

四庫全書

集部

欽定四庫全書

集部
橘山四六卷十二

詳校官庶吉士臣翁樹培

主事臣呂雲棟覆勘

總校官編修臣王燕緒

校對官主事臣陳文樞

謄錄監生臣汪志伊

欽定四庫全書

橘山四六卷十二

宋 李廷忠 撰

明 孫雲翼 注

賀江東提舉許寺丞

宋江南東路池州府
置江東路提舉司

臨軒疏渥

漢史丹傳天子自臨軒檻唐會要舊制凡命
都督刺史皆臨軒冊命楊巨源詩臨軒啓扇

如雲

乘傳觀風

司馬相如傳馳四
乘之傳以通邛笮

輟大農之官建庾臺

咸知上意

漢食貨志元封元年桑弘羊為治粟都尉領
大農百官表景帝後元年更名治粟內史為

大農令武帝太初元年更名大司農揚雄箴時惟大
農爰司金穀宋有司農卿稱提舉為庾臺亦曰庾司帥

小縣之令迎使節獨願先驅雖寸心之未降豈尺札之
敢廢恭惟某官神姿朗出

皇甫湜集瑞人
神士朗出天外

宿德雄成瑞

氣接蓬萊之雲詎容豹隱英聲流辟雍之水直到龍津

晉張華見褚陶謂陸機曰君兄弟龍躍雲津任昉報陸
倕感知已賦過龍津而一息王勃啟鳳鳴朝日森梢煙
雨之標龍躍雲津
盤礴江山之氣聽壎篪迭奏於朝廷宜珪瓚共登於

清廟名教自有至樂政理尤其所長倡諸儒以韓愈之

文可為師矣贊九列以康成之學何負丞哉

鄭玄字康
成杜門修

紫注詩書易禮記儀禮
論語考經凡百餘萬言

忌皎潔之孤芳甘徜徉而高卧

思賢共治有詔起家既資藩屏於長江難使馳驅於遠

嶠顧三邊之未靖且九扈之多艱上方南面以宵衣公

乃東巡而夙駕

詩星言夙駕左傳夙駕載燧注謂早駕馬於車也

咨諏民病宣

布上恩課吏務在於農桑之功富國豈專乎山澤之利

宋制提舉掌摘山煮海之利以佐國用

因平準制萬物亟奏外庸

食貨志置平準

於京師都受天下委輸盡籠天下之貨物貴則賣之賤則買之則萬物不得騰躍故抑天下之物名曰平準

轉洪鈞籌八方佇觀遠業某譎焉材諳

譎淺也史記能薄材譎說文譎

智也周禮注有才智之稱

窘矣步趨

離騷惟捷徑以窘步兮

客無羶而甚寒誤

蒙拔舉子有錦而雖美未善製裁技祇見於五窮年幸
逢於再稔倉有積粟獄無繫囚方欣受察於寬條尚許
勉圖於末效行百里者半九十里切用兢危

戰國策行
百里者半

於九十里此言
求路之難

皆一天而我獨二天終歸覆護

方秋崖啓
人一天我

獨二天顛重啖安期之棗行百
里半九十里適將熟楚成之瓜

乃情所嚮有喙莫宣

賀婁侍郎兼詹事

宋史婁機傳機以忤韓侂胄去
位侂胄誅召為吏部侍郎兼太

子左庶子俄遷太子詹事著
歷代帝王總要以裨攷訂

禁甬升班儲端列職

梁陸倕讓詹事表儲端華重實異
常司文選儲端仕顯東西兩晉茲

選特難注謂為太子詹事也唐百官志太子詹事正二品注隋廢詹事府武德初復置龍朔二年曰端尹府詹事曰銓衡惟允復觀沔水之清唐李義王丘崔沔掌吏部皆獲當時之美稱人

為之語曰李下無蹊徑又曰丘山岌岌連天峻沔水澄澄徹底清

羽翼既成益借商山

之重

張良傳我欲易之彼四人者為之輔羽翼已成難動矣四人東園公綺里李夏黃公角里先生所謂

商山四皓也

共二之命咸百其驩恭惟某官明堂棟梁清廟

珪瓚掖扶世教故臧孫孟軻以道鳴

韓文臧孫辰孟軻荀卿以道鳴者也

發揮皇猷宜劉向王褒以文顯上排閭闔

司馬相如大人賦排閭闔

而入帝居韓詩排雲叫閭闔

橫絕紳綉在六察七爭之聯

御史正言及九

列四戶之選

太常給事

言論風旨凜然而正色典章號令煥

乎其增光厭直承明之廬歸卧集賢之里

裴度傳度治第東都集賢

里野服蕭散不問人間事詳見第十三卷按宋史機與御史鄧友龍不合友龍不能堪曰不逐此人則異議無

所回機遂以言去

靜觀世變深軫時憂自柄臣顓制而擅朝人

流為之淆混

朱雲傳賤臣圖柄臣注柄臣執權之臣文帝紀諸呂為三王擅權專制鄭崇傳何有

為天子乃反為一臣所顓制邪表紹傳坐召三臺專制朝政文選宰臣顓制

非器子承桃而

主鬯國本幾於動搖

易主器莫若長子故受之以震又不喪匕鬯後周王褒皇太子箴文

昌著於前星主鬯由於守器韓文主鬯青宮梁武帝詔自昔哲后莫不立儲植嫡守器承桃梁簡文表正少陽

之位主承祧之責叔孫通傳太
子天下本本一搖天下震動
是必求清通之才而掌

選除

世說裴楷清通王戎簡要

擇端偉之望以居輔導

大戴禮選天下端士孝弟

博聞有道術者以輔翼之

起吾故老簡自上心顧紫橐論思之又新

且朱邸從游之有舊

文選朱邸方閑又黃旗映朱邸注諸侯朱戶故曰朱邸機先為資善

堂小學教授

蓋將嚴甄敘之法而抑貪冒盡規諫之忠以糾

闕違振兩漢孤絕之風

沈約為褚炫讓吏部尚書表東西兩漢左雄孤絕於前南北二

晉山濤莫嗣於後

繼三代久長之道

賈誼傳三代之所以長久者以其輔翼太子有此具

也李劉詩直將三代齊長久願聽長沙賈傳言

天臺為諸臺之冠萬目所瞻通

自魏晉以來凡吏部官屬高於諸曹
席豫楊仲宣碑參我六典冠於諸曹
宮相即上相之階

一蹴可到某心依崇祀身墮窮巖雖桃李門未棄於寒

蹤機嘗為於潛丞李其邑人而松竹林了無於佳趣日惟千慮韓信傳智

者千慮必有一失歲及再登食貨志再登曰平歸耕每戀於故廬除拜

俄傳於疾置回我生意立我懦衷離渭分涇儻可預激

揚之末沈約為褚炫讓吏部尚書表雖復拂暗為明勉愚生智亦何以登奇收異離渭分涇旁風

上雨抑將免凌晨之虞韓文上雨旁風無所障蓋情有所欣言莫能

究

賀葉大諫

按宋史寧宗嘉定元年右諫議大夫葉時等請梟韓侂冑首於兩淮以謝天下

不報

恩重褒揚班崇獻納昔勢門專恣鉗天下之口以蔽堯

聰

史記趙高傳專權自恣蘇武傳光專權自恣袁盎傳閉鉗天下之口晁錯傳恐天下之士鉗口不敢言五

行志臣畏刑而鉗口表紹傳道路以目百辟鉗口江淹書鉗口卷舌顏真卿傳鉗口結舌杜詩那能總鉗口李德裕集數共工之罪不蔽堯聰辯垣平之詐益彰文德

今諫路宏開寢淮南之謀

而得汲直國有公論士無邪心恭惟某官馳騁古今而

肆於文

揚雄反騷何文肆而質難注肆放也

服食仁義以養其氣

韓文服仁食義

超先多士搏扶搖於廣莫之鄉

莊子搏扶搖羊角而上者九萬里又今子有大

樹患其無用何不樹之無何有之鄉廣莫之野

管領羣仙挹沆瀣於太清之境

陳元老詩引領羣仙上紫微雲間相逐步相隨文選餐沆瀣兮帶朝霞

世多有奴顏婢膝

而事權要

抱朴子以奴顏婢膝為曉解岳峙獨立為溢去陸龜蒙散人歌奴顏婢膝真乞丐反以正

直為公獨以忠肝義膽而結主知

司馬遷傳有奇策材力之譽自結明主歐

文本懼不適當時之用敢期自結人主之知

白簡霜凝

唐中宗制朱帷霧撤初停州縣之勞白簡

霜凝宜屏

青蒲風動載正一臺之治聿嚴兩觀之誅

家語

孔子為魯司寇朝政七日而誅亂政大夫少正卯戮之於兩觀之下

腹心之疾既除誰不

欣快耳目之司尤重宜有寵嘉

宋景德三年詔曰司諫正言咸預軒墀之列是

為耳目之官

方更張萬化之初爰擢置七人之上伏延英閣

而抗疏

六典大明宮宣政殿之西曰延英門其內之左曰延英殿陽城詣延英門論裴延齡伏閣不去

又約王仲舒守延英殿閣上疏救陸贄又鄭注陷宋申錫崔元亮率諫官守延英苦諍又元和四年御延英獨

孤郁等言承瓘不可御師郁言尤激切

侍華光殿而說

經華光漢殿名在華林園內崇光殿北劉寬傳靈帝召拜大中大夫侍講華光殿遷侍中賜衣一襲楊賜傳

靈帝召太傅三公遜通尚書桓君章推皎潔報國之心

吐崢嶸驚人之論

李太白集吐崢嶸之高論開浩蕩之奇言

言利行猶藥之

利病既盡其忠

淮南王傳毒藥苦口利病忠言逆耳

利行后從諫若木之從

繩率歸於正

尚書木從繩則正后從諫則聖

雖朝廷有直臣之可賀

通典

鄭餘慶子濟為右補闕獻疏切直憲宗謂余慶曰卿之令子朕之直臣可更相賀

然天下得大

儒而乃調

荀子大儒者善調一天下者也

肆疇袞職之功

詩袞職有闕惟仲山甫補

之黃山谷詩用儒吾道益補袞諫官能

即正鼎司之任

楊東傳三公鼎司無所不統

某

悵違履幕喜聽書郵顧墮身於喧囂倥偬之塵

北山移文敲扑

喧囂犯其慮訴

悵倥偬裝其懷徒注目於清切凝嚴之地

金坡遺事若乃職任之清

切官曹之凝嚴禮遇優渥賜與繁縟云云

桑梓必敬固知餘蔭之可依

詩維桑與

梓必恭敬止唐王師範每本縣令到官令客將扶令坐
廳事自稱百姓拜之於庭或諫之師範曰敬桑梓所以
教子孫不忘本也野客叢書伯兮詩焉得萱草言樹之
背背北堂也幽陰之地可以種萱初未嘗言母也不知
何以相承為母事正與以鄉里為桑梓之謬同詩意謂
桑梓人賴其用猶不敢殘毀寓恭敬之意况父子相與
非直桑梓而已非謂桑梓為鄉里也然桃李總芬猶懼
自東漢以來乃以桑梓為鄉里用矣桃李總芬猶懼
不言而自棄李廣傳桃李不言下自成蹊李嶠上
高長史書今茲桃李翻以無言自棄敢緘

尺素少抒寸悰

賀樓尚書無內翰

秩冠上卿

魏志八座尚書
即古六卿之任

職參內相

孔帖陸贄入翰林
以才幸天子常以

行輩呼之雖外有宰相主大議而勢常參裁可否時號內相

曩也忤權豪而去國久

從香山綠野之勝游

白居易自號醉吟先生稱香山居士裴度治第東都集賢里作別墅

具涼臺煥館號綠野堂與居易劉禹錫把酒著文盡夜相懽不問人間事號曲江公詳見別條

今焉徵

耆哲以還朝復尋紫極清霄之故步

李尋傳紫宮極樞通位帝紀李肇志

居翰林者皆謂凌王清邈紫霄豈止於登瀛洲哉

衣冠傾屬號令增明恭惟某

官濟瀆巨航

法言捨舟航而濟乎瀆者未矣

過都逸駕

王褒聖主得賢臣頌過都越國

蹶如

韓愈為倡而唐文變掃百氏之糠粃

東坡集下與濁世掃糠粃

孟軻好辯而孔道明開一時之聾瞽以自重任諸已以

至難責其君適際昌熙徧儀清切凡大典章大詔令皆
大手之所為欲正風俗正紀綱獨正身而不屈逆知小
人萌亂邦之漸未免君子懷在野之憂

尚書君子在野小人在位

進

剴切之數百言甘閒退者十五載斷不能回面汙行為

諂諛之事

鄒陽書今欲使寥廓之士籠於威重之權脅於勢位之貴回面汙行以事諂諛之人而求

親近於左右則士有伏死堀穴巖藪之中耳安有盡忠信而趨闕下者哉真所謂拔俗出塵

有耿介之操

北山移文耿介拔俗之操瀟灑出塵之想

日月劃然而昭彰

劃忽

麥切音與若同說文錐刀也增韻剖也

風雲翼乎其興起玠方濤識如天

欲平治我其舍哉

文選在魏則毛玠公方居晉則山濤識量以臣方之一何遼落

周詰

商盤非老於文學誰宜為者

韓文周詰殷盤詰屈聱牙

上星辰之履

聲如舊破滄浪之筆力未衰

杜詩翰林偏華蓋筆力破滄浪

人之鑑衡

物其鼓舞枕斗魁深玉署既聯兩禁之華

楊文公賀梁翰林詩六鼇

雲海冠蓬萊玉署深嚴枕斗魁

盤篆字垂金科佇立三堦之表某汚茵

故吏

丙吉傳馭吏嗜酒適蕩嘗從吉出醉嘔丞相車上西曹主吏白欲斥之吉曰以醉飽之失去士使此

人將復何所容西曹地忍之此不過汚丞相車茵耳李商隱啓邴丞相之車茵寧彈醉客平津侯之賓館不礙

布衣負弩賤官方墮身窮僻之巖幾削迹高堅之仞

莊子削迹

捐勢不為功名李嶠啓
卷舌吞聲滅景削迹

聞公起家之拜慰我愛國之心

誦五色詔之訓辭亦思感奮

唐詩朝罷須裁五色詔

與一字題之

啓事庶免棄沈

山濤傳濤所奏甄拔人物各為題目時人稱山公啓事又蔡謨傳山子以正字

拔人乃山簡拔蔡克事

情激於中言宣莫既

遠迎寧國太守王大卿

龍章寓直熊軾改臨

漢志公列侯安車朱班輪倚鹿較伏熊軾皐繒蓋黑旂右駢注伏熊

軾者車前橫軾為伏熊之形也記室新書隼飛旗上熊伏軾前皂蓋分輝彤帷耀彩又屈天子之

上卿壯吾屏翰頗念使臺之下容復此絃歌疊有際遭

倍增扑踏恭惟某官儒雅世濟神秀天成傳蘇軾之業

而取大科峻班聯於星月

後漢書律謝蘇軾注謂蘇愈生皆古刑官

用管葛

之才而領外計熟經理於江淮簡在宸旒促還朝轡以

中都彈壓之寄付曩時關決之賢游刃善藏藉甚三王

之譽

漢京兆尹有趙廣漢張敞王尊王章王駿皆有能名京師稱曰前有張趙後有三王

褰裳勇

退從渠衆楚之咻屬邊圉之繹騷當上流而填撫南豫

州素稱道院非賢不居

廬州春秋舒國梁置汝陰陳郡及南豫州

古宛陵允

號潛藩得君乃重

寧國古丹陽宛陵縣地為宋孝宗潛藩汲黯傳吾徒得君重

彼父

老謾爭於境上吾兒童已待於橋邊有甘膏隨春腳以

同來俾孽羽望炎光而散去

東觀漢紀馬援在廣陵蝗蟲入江海化為魚蝦歐陽

公捕蝗詩秉蠹投炎況舊法古之去惡猶如斯又嗟茲羽孽物共惡不知造化其誰尸

爬癢櫛垢

蘇困折醒

韓文櫛垢爬癢民獲蘇醒

庶田里免歎息之聲而官府見

太平之象

牛僧孺傳太平有象今四裔不內擾百姓安其業私室無強家上不壅蔽下不怨讟亦足

以為治矣

雲深江樹不妨吟謝朓之亭月滿夜船猶復夢袁

宏之渚

晉袁宏字彥伯有逸材文章絕美謝尚鎮牛渚秋夜乘月泛舟會宏在舫中吟咏尚迎之登舟

中與談論由是知名

凡此連城之最

魏顏斐字文林治為雍州十郡之最

即為入相

之階某昔是冷官今非健令帶劔門謁屢蒙霽直指之

威負弩郊迎復得備前驅之列顧累政不綱之已久

文選

累藩咸受其敝
歷政所不能裁

覺孤身自樹而甚難但持公廉粗云辦

治日勤五聽豺狴常空

五聽謂辭聽色聽氣聽耳聽目
聽周禮司寇之職以五聽之獄

訟求
民情

歲偶再登蝗螟不犯由品題之有素喜政令之又

新一州提六縣之封舉皆增慶

六縣謂宣城南陵
涇縣寧國太平

兩地

託二天之庇我獨最榮益務激昂少酬知遇

賀提刑葉大卿

伏審揚庭渙號

易揚於王庭

分道詳刑

宋太宗淳化二年以司門員外董源等一

十一人分充諸路轉運司提點刑獄蘇子由除田待問制命爾督視詳獄當繡衣立霄漢之

春聿新觀聽用金節行山澤之國益遠照臨

周禮凡邦國之使節

山國用虎節澤國用龍節皆金也

百里被符三熏奏記恭惟某官挺挺

然繼風烈之祖炳炳乎為文雅之宗其天材實茂而聲

宏韓文本深而未茂形大而聲宏

其世學源深而流遠彤幘布化兩邦

誦師帥之賢

幘車上帷裳職源彤幘耀彩東坡詩問俗摠丹幘董仲舒傳今之郡守縣令民之師

帥所使承流而宣化也謝履詩朝廷推重鎮師帥得賢侯赤管疏恩九陞識丞郎之

貴

通典漢尚書郎月賜赤管大筆一雙

任台佐則中臺稱治

褚球字仲實為司徒右長

史加貂台佐加貂自球始宋制中臺都事主以郎吏非獨付受書贊亦以佐正紀綱

升月聯則外

府增輝

白集聚九州之賦辦百貨之名按其程度謹其出納孰為主者外府上卿

帝方軫欽

恤之懷公乃奉周詢之指

詩周爰咨詢

獄文來上已觀畿日

之開明驛傳再馳又見江波之澄靜寵之以圖書之直

送之以禮樂之光使窮川僻谷知上意之好生宜老姦

宿猾聽先聲而懼退平反惠廣豈專用司空城旦之書

儒林傳竇太后好老子書召問轅固固曰此家人言耳太后怒曰安得司空城旦書乎注道家以儒法為急比

之於律
令也

調變才高行即正上相朝天之位

李尋傳天官上相上將皆

顓面某麤疏潦倒

嵇康與山濤書足下不知吾潦倒麤疏

詰屈離奇

柳文離奇

詰屈縮

粗有濟時之心未蒙稽古之力思泮林之水清

今嘗與於濯纓戴巖邑之心勞矣莫知於稅駕再書吏

考屢見年豐方二十縣之皆蝗我田無害當四五月而

不雨爾魁自銷用是免推擠於庶民幸今受廉察於膚

使誓殫末力

史記韓安國傳强弩之極矢不能穿魯縞街風之末力不能起鴻毛

恪奉初

條技有五窮固已拙操刀之手

李詩操刀振風雷

政無一異尚

少寬持斧之威躍舞以還染濡莫既

賀提舉莊大卿

伏審龍綸煥發驛傳遄驅絲承明著作之庭輟仙才而

外補

班固西都賦又有永明著作金馬之庭大雅宏達於茲為羣元元本本殫見洽聞啓發篇章校理秘

文開常平斂散之府佐王政之內修

漢書食貨志令邊郡皆築倉以穀賤

時增價而糴以利農穀貴時減價而糴名曰常平倉宋

淳化中建常平倉景祐元年令轉運司舉所部官專領

之然猶隸漕熙寧遣使提領此蓋提舉常平之所始也

九年府界畿內亦專置提舉常平倉一員不令司農丞

兼領提舉常平司操常平斂散其在字此之官

文選長世字此

之法譏察所部庶能而保任之

者以道德為藩敢違巡屬之禮竊考國朝之制莫嚴庾政之司

漢文紀發倉庾應劭曰水漕倉曰庾又在邑曰倉在野曰庾宋人以提舉為庾政自景祐以來

或分隸漕憲之臺至紹興而後乃併提榷茗之職宋紹興五

年詔諸路提舉常平併入茶鹽司雖因時沿革之或異而量材任用之

必公元祐十科皇華是舉玉海元祐元年宰相司馬光請設十科以舉士一曰行義

純固可為師表科二曰節操方正可備獻納科三曰智勇過人可備將帥科四曰公正聰明可備監司科五曰

經術精通可備講讀科六曰學問該博可備顧問科七曰文章典麗可備著述科八曰善聽獄訟盡公得實科

九曰善治材賦公私俱便科十曰練習法令能斷請讞科應職事官自尚書至給舍寄祿官自開府至大中大

夫侍從官自大觀文至侍

熙寧八使清議弗容

宋神宗熙寧二

制每歲於十科舉三人

年行王安石新法從三司條例司之請遣劉彝謝卿材

侯叔獻程顥盧秉王汝翼曾伉王廣廬八人行諸路相

度農田水利稅賦

糾率徭役利害 唯儒者乃知貨財之源在明時奚取

功名之輩宜茲蕩節屬我俊髦

士之俊曰髦詩髦士攸宜又譽髦斯士又蒸我

髦士文選朱紱咸髦士長纓皆俊人

恭惟某官先聖人之步趨羣進士之

冠冕以文瑞世以道覺民鵬風翼而九霄猶取斜飛之

勢驥日馳而千里莫量遠馭之程

莊子驥驥驂駟一日而馳千里馬援傳昔

有驥驥一

綽有吏聲峻登朝序本成自辟雍之學復命

日千里

為游倅之師

周禮夏官諸子游倅使修德學道注游倅子之未仕者

乘仙槎問斗

牛朗出太清之境

博物志舊說天河與海通近世有居海渚者年年八月有浮槎去來往返

不失期此人乃立屋於槎上齋糧乘槎去忽忽不覺晝夜奄至一處有城郭屋舍望見室中多織婦見一丈夫

牽牛渚次飲之驚問此人何由至此此人即問此為何處答曰君可詣蜀問嚴君平此人還問君平君平曰某

日有客星犯牛斗即此人到天河也互見第十五卷

披天章挾雲漢蔚為廣內之

儲

東坡詩手扶雲漢分天章劉歆七略武帝廣獻書之路百年之間書積如丘山故外有太常太史博士之

藏內則延閣廣內秘室之府

屬邊方驚杙之餘乃聖化更張之始勇

去北闕按行東江念國家經費有常正藉阜通之術而

朝廷權利已至務捐苛刻之文

漢書初權酒酤如淳曰權音較師古曰權者步

渡橋爾雅謂之石渡今之略約是也禁閉其事總利入官而下無由以得有若渡之權因立名焉言行錄王文正公謂轉運使張士遜曰朝廷權利至矣士遜思公之言未嘗求錐刀之利威足以肅姦貪

仁足以蘇疲瘵千倉紅腐一路清夷豈特江左見管仲

而無憂要令天下識范滂之有志簡臺閣之士分諸道

既遵用於唐規

唐神龍二年分天下為十道置巡察使二十人以右臺內外官堅明清勁者為

之疇刺史之賢為三公即對揚於漢詔某仰高甚切事

大必恭雖禮部同升相懸何止數百舍

左傳其避君三舍注三十里為

舍一自修門下拜隔閭幾經三十年宋玉招魂魂兮來歸入修門些工祝招君

背行先些柳宗元詩重入修門自有期李鉅山詩一出修門道重嘗木下尊周平園啟三入修門九遷華貫又

進摧遂居於台揆委蛇靡出於修門每望塵佩玉之行大戴禮行則鳴佩玉詳見後條亦

增氣衡茅之底陶潛詩養貞衡門下自憐孤影敢廢長鳴冷逼坐

羶已勸作諸侯之客塵生破甑乃強為十室之邦後漢書獨

行傳塵生甑范史雲整頓頽網撫摩凋俗頻年登稔闔境晏熙自

知五有技而易窮安得三不欺之善譽滑稽傳子產治鄭民不能欺宓

子治單父民不忍欺西門豹為鄴令民不敢欺三子之才孰為最賢哉幸軺車之臨照念

踣履之棄沈此地相遭有天足恃言墨綬者詣治所儻

逴譴訶

朱博傳欲言二千石墨綬者使者行部還詣治所

開翹館以延故人尚

希剪拂

駱賓王集顧昞曲流剪拂增價李詩希君一剪拂

搖旌有喜涉筆難宣

賀寧國樓府判

王言作命

尚書王言惟作命

君子得輿

易君子得輿小人剝廬

居則監州

分黃堂之半席

歐陽公歸田錄國朝下湖南治置諸州通判既非官屬故常與知州爭權每云

我是監郡朝廷使我來監汝舉動為所制有錢昆少卿家世杭人也嗜蟹常求補外郡人問所欲何郡昆曰但得有蟹無通判處可矣東坡詩欲問君王乞符竹但憂無蟹有監州范文正公送向綜國博通判桂州詩通籍

二公後監州五嶺深漢書郭丹傳功曹推賢可謂至德
教以丹事編署黃堂以為後法注黃堂太守之廳事也
吳郡國志吳郡太守所居之堂即春申君之子
假王之殿也因數失火塗以雌黃故曰黃堂 出而按

縣使墨綬者前驅將親接於光儀敢預通於誠款恭惟

某官虎鳳生而文彩金玉發其聲音

詩無金玉爾音而有遐心

英英

瑞國之才

詩英英白雲注輕明之貌荀闕字道明京都語曰洛中英英荀道明韓詩英英桂林伯實

惟文

武特 本本名家之學今稱盛事孰若清門燭跋分光草

天上黃麻之制履約振響踐斗間紫氣之躔

杜詩尚書踐台斗又

紫氣鬱鬱

凡多接萼之奇

文選接萼均芳

端自蟠根之厚

杜詩仙李

蟠根

日輝桃徑水媚蓉池香名上徹於九霄

盧思道盧記室誄善

價斯待香名允集李太白集白以弱植久飲香名岑參詩藉藉名更香又香名播蘭蕙又能使香名滿人耳戴

叔倫詩名香日總聞蘇頲詩香名展驥初

泥軾來臨於千里以高望壓賓筵

之狐趙

韓詩賓筵盡狐趙導騎多銜霍

以婉畫贊卿府之龔黃邦以不

空民焉何幸別駕展良驥之足未快公言法從在屬車

之間矧光世業某辛酸一第

杜詩騎驢三十載到處潛酸辛

困瘁半生

縣譜無傳敢熟黃紬之寐

世傳宋太祖戒勅縣令勿於黃紬被底放衙文潞公為榆

次縣令嘗題詩縣鼓樓云置向熊樓一任撾撾多撾少不知他如今幸有黃紬被努出頭來放早衙有不相喜

者以詩達時相呂文穆意其不事事
欲中之公見詩曰此人有宰相器
吏箴有守但堅丹

石之心振起百頽歷當萬險幸農疇之屢稔且獄戶之

常虛忽覩清明之天下照窮僻之谷雖能持弩矢自憐

末力之非強惟寬假轡銜尚喜餘程之可到

漢書鮑永傳緩其轡

銜說苑理國辟若張琴大絃急則小絃絕矣故急於其銜轡者非千里之馭矣
為文不敏有志

莫宣

賀新除婁給事兼擢工部尚書兼詹事

宋史婁機傳機以吏

部侍郎兼太子左庶子進太子詹事此蓋以吏侍而進長工曹也

昕朝出令

禮記大昕之朝

夕拜升班左省中臺實為九牧衣冠

之望

杜牧之集左省駁議不畏強禦

者英宿學久從兩宮父子之游

文選

身登三閣官成兩宮唐徐吉傳參兩宮之文翰寵遇罕與為此

肆侈恩褒併隆事任恭

惟某官以文章為諸儒倡以道德為萬乘師居然聳維

石之瞻

詩節彼南山維石巖巖赫赫師尹民具瞻

行則中佩玉之節

大戴禮居

則習禮文行則鳴佩玉又上車以和鸞為節下車以佩玉為度後漢書左雄疏九卿位亞三事班在大臣行有

佩玉之節動有庠序之儀

歸海濱之二大老適當更化之初

時韓侂胄伏誅

召機為內侍

擅天下之三達尊夔出在廷之右後先步武中

外楷模白其簡以糾邪

機嘗為御史

皂其囊而替否

漢官儀凡表章

皆啓封其言密事則用皂囊機嘗為右正言

詩書乎黼座之側

兼侍講

禮樂乎

金掌之聯

為太常少卿

絲綸王命則元白而常揚

言為中書舍人鏡

鑒人流則馬裴而盧李

唐裴行儉馬載為吏部侍郎甚有能名時人稱為裴馬中宗之

後選司頗失紀綱盧從愿為吏部侍郎李朝隱同時典選精心理調理大稱平允時人稱曰吏部前有馬裴後有

盧李言為騫翔滋久譽處甚休爰振纓封駁之司

陸機詩振

纓承

仍曳履論思之地矧豐水之謀欲貽於翼子

詩澧水有

芑篇貽厥孫謀以燕翼子

宜商山之助無易於舊人國步既安

詩國步斯

頻杜詩國
步猶艱難

賢基益壯凡朝廷華要之署總入冰銜為社

稷宏遠之圖即持魁柄某欽承告指喜至信眉屬為東

帶之拘莫克長裾之曳望高躅於星辰之表但切神馳

課小才以日月之勞尚厘齒錄

董仲舒傳小才雖系日不離於小官賢才雖未

久不害為輔佐又毋以日月為功嘗試賢能為上蔡邕傳墨綬長吏職典理人皆當以惠利為績日月為勞沈佺期回波詞姓名已蒙齒錄袍笏未復牙緋

賀新除禮部婁尚書兼職依舊

詳見上條

紫宸疏渥陞春卿紫橐之班青禁聯華仍夕郎青瑣之

直東方朔神異經東方東明山有宮焉青石為牆高三
仞左右闕高百丈畫以五色門有銀榜以青石碧鏤

題曰天地長男之宮一時寵數四海公言恭惟某官聚精神以強

本朝王褒傳聚精會神相得益章李尋傳拔進英
雋退不任職以強本朝本強則精神折衝出言

語而妙天下平時自潔晚節尤香韓魏公重陽詩不羞
老圃秋光淡且看寒

花晚節香凜凜霜稜聞者為之膽落溫造為侍御史彈奏大
金吾李祐違詔進馬祐

曰吾夜入蔡州擒吳元濟未嘗心動今日膽落溫御史溫溫泥檢讀者至於涕流

張鷟奏芝泥發彩蘭種汎香唐陸贄傳贄啓德宗今盜
徧天下陛下宜痛自引過以感動人心陛下誠能以言
謝天下使詔書無所忌臣雖愚陋可以仰副聖情庶令
反側之徒革心向化德宗然之故奉天所下詔書雖武

夫悍卒無不揮涕感激多贊所為也焦克啓陸敬輿制書感人果見興元之戲難李文饒詔語切事近聞魏博之伐

載起洛英

宋文潞公以壽考畱守西都富鄭公以司徒致仕集洛中公卿年德高者為耆

英復從雍侍整星辰之闊步依日月之重光

古今注漢明帝為太

子羣臣為樂人作歌四章以贊之一曰日重光二曰月重輪三曰星重暉四曰海重潤

塗歸無反

汗之嫵

劉向傳出令如反汗汗出而不反者也今令出而反之是反汗也

執議盡匪躬

之節

易王臣蹇蹇匪躬之故

擢居宗伯增耀文昌三千儀待人而

行肇興周典二百載中天之運復覩漢容

李詩再覩漢儀新

此

儒者所優為當今世其可舍大人繼明長子出震方併

資作輔之功

易明兩作離大人以繼明照於四方又主器者莫若長子又帝出乎震文選繼明代

照配天

門下審覆尚書奉行孰若正秉鈞之任

門下省後漢謂

之侍中寺晉志曰給事黃門侍郎侍中俱管門下衆務唐龍朔二年改為東臺侍中審覆奏抄駁正違失詩秉國之鈞四

某耳聆郵置心繫門牆阻陪百拜之賓

禮記一獻

之禮賓主百拜法言賓主百拜而酒三行不已華乎

進展萬間之賀述禮明制既

已登魯國之大臣採詩觀風或有取衡山小邑

杜詩衡山

雖小邑首唱恢大義采詩倦跋涉載筆尚可記

喜而欲僂歌莫能聲

賀新除樓樞密兼太子賓客

嘉定元年以吏部尚書樓鑰同知樞密院

顯對褒恩晉參宥命

王禹偁制宥命之府總樞密於萬機

股肱西府得禁

中頗牧之良

熙寧詔書國家以西樞內府翼贊本兵

翼翼東朝有商山園

綺之實

文選東朝既建淑問峨峨又昔余與子縵縵東朝唐制東朝保傳歷代尊崇又彈違是屬宜肅

事於東朝顏延年傳君彼東朝金昭玉粹南史陳太子叔寶欲以江總為詹事孔奐曰江有潘陸之華而無園綺之實輔弼儲貳竊謂非材唐徐齊暉疏招尋園綺寤寐應劉

榮哉二拜穆矣一詞竊

以天極環樞神兵所會

宋王岐公制天極環樞神兵會府

海波重潤主

器攸歸

見上條注

自梁建崇政院而士流始得以參謀

唐代宗置

內樞密使以宦者為之後梁革唐氏宦官之弊開平元年改樞密院為崇政院始用士人備顧問參謀議自

漢開博望苑而賓佐悉從而效智

漢書武帝年二十九乃得太子甚喜及冠

就宮上為立博望苑使通賓客

雖云妙選

唐貞觀初置太子司議郎

罕

遇真才要如韓琦范仲淹之領使名邊功以立

宋慶厯初元昊

納欵遂召韓琦范仲淹為樞密副使天下聞之士大夫皆酌酒相慶曰上用韓琦范仲淹非惟社稷之福乃天下生民之幸琦與仲淹俱有威名軍中為之語曰軍中有一韓西賊聞之心膽寒軍中有一范西賊聞之驚破

膽

周堪蕭望之之嚴保訓儲德斯成

唐中興勅令劉向王褒蕭望之周堪

之徒以文章儒術保訓東宮

宣由間世之英兼備前人之美恭惟某

官三朝雋老六學巨師藻思揆庭可使班揚韜筆

晉書虞潭

傳班揚韜
筆詳見前

鴻猷緯國殆與伊說爭衡沃上聰以正大之

規鼓羣動於中和之域徧儀清切具望巍峩方當睿日

之初升豈謂佞山之難拔

劉向傳用賢如轉石去佞如拔山

履聲遠去

袖手旁觀

韓文巧匠旁觀縮手袖間余日華啓運斤修月笑造化之小兒練石補天袖經綸之大手

天下慕桃李之門爭先競進君子有松柏之氣特立不

回屬聖治之更新即賢方而求舊偽朋遠則真朋斯進

歐文小人無朋其暫為朋者偽也君子所守者道義所行者忠信所惜者名節以之修身則同道而相益以之事國則同心而共濟終始如一此君子之朋也故

為人君者但當退小人之偽朋用君子之真朋

前日

介乃今日之通

或問盧欽徐公當武帝之時人以為通自在涼州及還京師人以為介何也欽

曰往者毛孝先崔季珪等用事貴清廬之士於是皆變易車服以求名高而徐公不改其常故人以為通比來天下奢靡轉相倣效而徐公雅尚自若不與俗同故前日之通乃今日之介也世人無常而徐公有常也徐公

謂

況中臺自有於青氈而內相宜為於紫誥冰衡有耀

台路寢平

狄梁公表載塵絃路

肆陪帷幄之籌仍魚七鬯之輔以

強國本以悅士心竊惟當今之宜莫如自治之勝屈大

國事小國雖聖人所不免舍上策取下策蓋智士所弗

為

匈奴傳嚴尤諫王莽曰匈奴為害所從來久矣未聞上世有必征之者也後世三家周秦漢征之然皆未

有得上策者也周得中策漢得下策秦無策焉

曩者兩將軍出塞而無功

匈奴傳漢

兩將軍大出圍單于又空行空返尚誅兩將軍

今則五單于款關而慕義

宣帝紀匈奴

奴諸王並自立分為五單于更相攻擊成帝紀匈奴呼韓單于款五原塞願奉國珍朝詔有司議咸曰匈奴嚮

風慕義舉國同奉珍朝賀自古未之有也款叩也李詩天驕五單于

止戈為武信有道焉

左傳夫文止戈為武夫武禁暴戢兵保大定功安民和衆豐財者也武五子傳倉頡作書止戈為武禁暴戢亂

止息兵戈非以為殘而興縱之也文選止戈興禮樂

莫枕於京要須儒者

古詩莫枕於京

想訐謨一堂之上

詩訐謨定命

能控制萬里之遙邊鎖不驚

淮謀自寢微管仲吾其左袵矣疇比元勳歸周公是有

袞衣兮佇升端揆

通典尚書令為端揆之官蘇頌行劉

韋皋左僕射制罷去職勞正名

某遜聞詔告倍切欣愉

顧滯迹於窮巖莫窺光於崇仞諒軫若推之念孰為可

棄之材開八荒之壽而轉洪鈞盡歸塊圪有一介之善

者居翹館益務激昂

西京雜記公孫弘既相起客館開東閣以延賢人有一介之善一方

之藝者居接士之館

志則甚厘言之不足

賀婁同知

宋史嘉定元年秋八月以禮部尚書婁機同知樞密院事兼太子賓客

禁座疏恩宥廷置弼

樞密院曰宥府亦曰機庭

方漢單于款五原之

塞請受纓縻

五原即榆林塞
文選請受纓縻

由宋司城折千里之衝宜

登柄用國有元氣士皆懽顏

杜詩大庇天下
寒士皆懽顏

自古敵國

交好之不常在今廟堂安危之心審以干戈復讐祇取

侮之道以金繒結好豈得已之為觀列聖之遠模知本

朝之強勢遼人相戒慎勿開邊隙為司馬之秉鈞衡

李

長編司馬光在相位遼人救其邊吏
曰中國相司馬矣切無生事開邊隙澶淵一舉足以定

戎盟本寇國之籌帷幄

范文正公集寇萊公當國真宗
有澶淵之幸而能佐佑天子不

動如山却強敵保宗
社天下謂之大忠

宜茲制勝之地屬我達尊之儒恭

惟某官後學所宗先民而覺其潤物之功如高山蓄雲

而泄雨其容物之量猶巨海包乾而括坤

木華海賦且其為器也包

乾之奧括地之區

集此大成超然遠用有風采紀綱乎朝路有

文章黼黻乎帝躬

余日華啓黼藻國華丹青王度

一居州獨如宋王何

爰奉身而急退二大老盍歸西伯者猶俟駕以徐行聯

兩宮法從之榮躋八座文昌之位卻詞頭批敕尾忠謇

有聞

唐表高為給事中德宗復用盧杞為刺史命高草詔高執詞頭謁宰相曰杞作相矯詐若更授之大

郡恐失天下望

究皇儀展帝容直清是賴

李白明堂賦展乎國容輝乎皇儀

顯

拜未踰於月簫

蘇頌行韋抗制發揮夏簫允踐春華

崇班已列於星樞

北

第一

天樞仍以上賓游於儲禁俾習知軍國之務將共圖社

稷之勲絃轍盡更蓋懲王恢首馬邑之事

韓安國傳田蚡言於太后

曰王恢首為馬邑事今不成而誅是為匈奴報仇也太
后以蚡言告上上曰首為馬邑事者恢故發天下兵數
十萬從其言為此今不誅無以
謝天下時韓侂胄以開邊伏誅樽俎坐運孰如汲黯寢

淮南之謀然武不可黷烏可忘而和雖足賀豈足恃是

必簡蒐軍實鋤去將驕畱屯十二便非無用之空言

漢趙

充國傳畱屯兵得十二便出兵失十二利丞
相魏相曰其言常是臣任其計必可用也

番上十六

衛有可行之故典

唐十六衛謂左右衛左右驍衛左右武衛左右威衛左右領衛左右金吾

衛左右監門衛左右千牛衛將軍總三十六員屬官總百二十八員創宇分部夾峙禁省實天下之大命也杜牧有原十六衛文多不載訐謨素定聲焰益張所謂有德以尊朝廷

自可不兵而威天下橐方偃伯未多管晏之權謀

司馬法古

者武軍五年不興則凱樂凱歌偃伯靈臺答人之勞告不興也馬融傳命師於鞶橐偃伯於靈臺注偃伏也伯謂師節也蔣仲行王宰制既引偃伯之功並著勤王之節奠枕歸疆斯顯旦丘之事

業某夙蒙真賞晚脫冗流強顏來試於庖刀

莊子良庖歲更刀割

也族庖月更刀折也

末力難穿於魯縞佇俟東陵之瓜熟

史記蕭何傳召

平者故秦東陵侯秦破為布衣貧種瓜長安城
東瓜美故世俗謂東陵瓜從召平以為名也
歸投南

國之棠陰忽聽嘉聲頓回懦志既見師居大位

孔光傳其弟子

多成就為博士大夫者見師居大位幾得其
助力光終無所薦舉至咸怨之其公如此

豈容下有

棄材連三書至光範之門似成銜鬻

韓文三伏光範門東方朔傳上書言

得失銜鬻者以千數提一筆為蒼生之福終入陶鎔喜則無涯言

之未暢

賀寧國太守冬

斗運玉衡經四時而建子

尚書在瘡璇玉衡以齊七政崔寔機銘有建子之月助養

之月昇金掌環千里以生春盛儀亞於歲端驩聲翔於

江表恭惟某官氣涵剛大性迪中和栽桃李於姑溪方

結遺恩之戀

姑溪在當塗宋趙彥輔雲麓漫鈔當塗當水陸之衝建炎中金人犯城決姑溪河水

浸敵是知姑溪在當塗也

馥蘭蓀於宛水復聞最譽之騰

李詩吾憐宛溪好百

尺照心明

揚君子豈弟之風對化國舒長之景

王符傳化國之日舒以長

故民間暇而有餘力

神明所舍福祿其臻佇煥燿於王綸歸變調

於宰鉉某困縻銅墨

文選深沱珪符妙簡銅墨漢志縣令長六百石以上皆銅印墨綬

謬入埏鎔獻履迎祥徒效頌言之美希韞上壽莫陪侍

酒之恭

淳于髡傳親有嚴客髡著韞囊也收衣袖音與眷同韞臂捍觴上壽注韞韞囊也

也

賀倅車冬

太極用一函三氣萌於子

漢志太極元氣函三為一行於十二辰始動於子釋名子

孽也陽氣始萌孽

於下也詳見前

黃宮以九倡六數應乎陽

漢志以黃色名元氣

律者著宮聲也宮以九倡六變動不居周流六虛始於子在十一月

在天道來復之初乃

賢人類升之慶恭惟某官德全精粹節貫嚴凝聽王祥

康海之謠藹傳佳政和謝朓澄江之句允屬端寮

李詩解道

澄江靜如練令
人長憶謝元暉
吹妙律以成暄
坐安輿而受祉
佇膺龍

檢峻陟鷄班某邑課有拘賓儀莫旅讀書松下已親愛

日之暉

左傳趙衰冬日之日注冬日可愛文選君垂冬日之溫臣盡秋霜之畏李商隱啓掀之以順風

暖之以
愛日

作賦梅邊願薦流霞之壽

梁何遜天監中作揚州法曹廨舍有梅花

一株遜吟咏其下後居洛思梅因請再任及抵揚梅花方盛開對花徘徊終日內景經注五色流霞謂日景抱朴子顧曼卿言到天上仙人以流霞一杯飲之輒不饑渴杜詩細細酌流霞韋述詩賜酒酌流霞

賀寧國太守冬

天衢行日在北斗第一之躔

孝經援神契斗指子為冬至

土室驗時

應黃鐘初九之數欣逢亞歲敬頌元侯恭惟某官正直

在躬中和布化

王襄為益州刺史王襄作中和樂職宣布詩以揚帝德

江澄練霞

散綺藹瑞氣之蔥蔥

光武紀氣佳哉鬱鬱蔥蔥然

月合璧星連珠對

熙辰之穆穆方羣陰之排去宜諸福之朋來竚錫溫綸
進顯大柄某身縻保障心戀門牆聽十二筩解竹之鳴
徒勤染翰祝八千歲莊椿之壽莫預稱觴

賀江東俞運使

顯對上恩易司外計即臬府視漕印依然前日之提封

周禮地官泉府掌以市之征布斂市之不售貨之滯於民用者史游急就篇司農少府國之泉也望瓜

時解縣章幸有半年之趨事益殫末力恪奉初條恭惟

某官肅括宏深

揚子法言或問士何如斯可以身曰其為中也宏深其為外也肅括則可以

其身

開濟明豁

孫逖行韓朝宗制開濟宏才

氣節挺千尋之勁文章

占四面之雄

高僧傳飛章寓韻竹夕花時彼上人者當四面之敵章孝標詩花錦文章開四面

以方聞之士薦於朝亟收名第以大學之道治其國卓

有最聲歸我仙鳧列於庭鷺

文選白駒空谷振鷺在庭

文官武監壘

資於綱紀

國子監學錄軍器監監簿

南州東部並屬於照臨

漢書東州障東

部都尉所治在
酒泉會水縣

方訢地上之錢流忽覩日邊之詔下就

持金虎之節來舉木牛之鞭糧道四通士氣百倍管夷

吾復見於晉江左何憂蕭鄧侯再生於唐關中以濟

劉晏

傳盡以漕事委晏故晏得盡其才歲輸
始至天子大悅馳使勞曰卿朕鄧侯也

佇隆柄任遠紹

芳猷某技有五窮政無一異謂嘗掌教於郡學復使絃

歌知是識字之農夫粗能勸課訟獄頗臻於衰止蟲螟

無害於豐穰用此微勞免於大戾幸景星之垂曜覺寒

谷之成暄等分為三以察所部之官孰逃裁鑒

宋開寶
九年詔

諸道知州通判及臨事務官吏宜會諸路轉運司廉訪
其能否第為三等歲終以聞以臨事簡慢所蒞無狀者
為下恪居官次職務粗治者為中尤
異有奇績者為上當行大誅賞焉

考居第六而有自

脫之地終藉覆舍

橘山四六卷十二

欽定四庫全書

橘山四六卷十三

宋 李廷忠 撰

明 孫雲翼 注

賀錢左相

宋史嘉定元年冬十月以錢象祖為左丞相史彌遠為右丞相

大廷渙汗上宰顓朝虛左揆以求人幾十年於此矣冠

中樞而置使得一賢乃兼之

司馬溫公除文潞公制位冠中樞

復舉慶

元之洪儀

宋紹興中以邊事已定宰相不兼領樞密孝宗即位參政史浩論樞密合使宰相兼使事

因引富弼對仁宗故事

遠酌建隆之懿典

宋建隆元年以魏仁溥吳

延祚為樞密使
趙普為副使

加崇鼎職有赫巖瞻恭惟某官龍章而

虎文金氣而玉色胄出五王之閥閱

吳越王錢鏐子元
瓘元瓘佐僚俶凡

五世
為王

學探百聖之淵源言人之所未嘗言而先見之智

明為人之所不能為而自任之道重登我近輔屬時多

虞歷觀古今深識治亂謂孫弘石慶之謙謹而無救於

窮兵之主

公孫弘石慶皆武帝相公孫弘傳弘養後母
孝謹石慶傳是時漢方南誅南越東擊朝鮮

北逐匈奴西伐大宛中國多事
慶淳謹而已無能有所匡言

謂李固杜喬之悻直而

莫制其跋扈之臣

梁冀傳冀拜大將軍侈暴滋甚質帝
少聰慧知冀驕橫嘗朝羣臣目冀曰

此跋扈將軍也冀聞深惡之遂令左右進鴆帝即日崩
復立桓帝而枉害太尉李固及前太尉杜喬海內嗟懼

爰奮孤忠不為苟合

諸葛豐傳率盡苟合取容孫寶傳剛直不苟合

上書而諫

征伐切乎憂國之心建議而誅姦雄偉矣立朝之節收

威柄而歸之上挈神器以置諸安

老子天下神器不可為也為者敗之班彪

王命論神器有命孔融傳身為聖躬國為神器文中子
從天命以正帝位以明神器有歸賈誼傳天下大器也
今人之置器置諸安處則安

舜舉皋而遠不仁宜居帝右尹

暨湯而咸有德允合天心

尚書惟尹躬暨湯咸有一德克享天心受天明命

綱既張百度以正建元良為保邦之本

南史梁武帝詔元良之寄有國

莫先唐順宗實錄萬邦之本屬於元良
劉孝威詩太子天下本元良萬國貞

召故老為共政

之圖寢黑山之析苞青海之戈務修明於內治

三傑詩序寢黑

山之析苞青海之戈唐沈珣行李業制地控黑山扼羌
渾之衝要雍陶詩走馬黑山西歐陽公詩玉塞久苞戈
博物志西海之東有青海十三洲記允吾縣西有卑禾
羌海代謂之青海李大亮討吐谷渾為河東道行軍總
管與李靖出北道涉青海散鹿臺之財發鉅橋之粟用
觀河源杜詩洗劍青海外

安集於遺黎

尚書散鹿臺之財發鉅橋之粟大賁於四
海而天下悅服詩序萬民離散不安其居

而能勞來還
安定集之

謹鄆之田既歸

左傳齊人來歸
鄆謹龜陰之田

遼夏之人

率服如斯績效悉自訏謨靡踰晷祺之間遂正元台之

拜雖南北一家之混合

匈奴傳自今以來漢與匈奴合為一家

必東西二

府之對開兵本不移

宋史高宗謂韓世忠曰朕付卿等以樞府本兵之權甚大宜一心勿

分彼

皇靈益振仍以維垣之亞從吾貳極之游

春秋穀梁傳僖

公五年公及齊侯會王世子於首戴及以會尊之也何尊焉王世子云者唯王之貳也張良傳今公何自從吾

兒游乎

望隆而位必尊才全而任亦大經綸素定觀聽聿

新帥百吏宿道而嚮方

荀子使臣下百吏宿道嚮方而務注宿道止於道詳見前

佐

一王勵精而更始文事武事交修於無事之日正人邪

人明辯於用人之時持公滅私

尚書以公滅私

循名責實

王荆公集

顧在宣化承流之地方當循名責實之時上以律八風之序下而宅九土之

心允資變正之功

宋制變正辰階

益迓熙平之業王沂公居首

鉉者一紀未云歲月之多

王曾字孝先仁宗朝大拜封沂國公

文潞公作

重鎮於三朝要同社稷之久

文彥博字寬夫封潞公歷事四朝海更二府七換節

錢出將入相五十餘年畢仲游詩云十年

三冊命四海一師臣某謬分蒲壁

周禮男執蒲壁蒲可為蓆以安人為義

仰託鴻鈞聆冊命之殊常倍輿情

而滋喜相門有相將門有將信能增大於前人

孟嘗君傳文聞

將門必有將相門必有相王驪軒啓天欲平乎天下相復出於相門野客叢談相門有相二語起於田文曹植

疏亦有之南北史引處甚多李彪曰諺曰相門有相將門有將此無二者言也獨引一句者如梁武帝曰疎可謂相門有相矣宋武帝謂王鎮惡曰可謂將門有將是皆祖田文之語爾而續釋常談獨推王訓王鎮惡之事以證二語所自是未知田文曹植已先言之

士館待士

賢館待賢亦必垂憐於舊物悽悽虔系

悽龍珠切音與盧同悅也又恭

敬貌楊賜傳盡其悽悽之心晉書陸玩傳悽悽所守悽悽表悽悽之誠吳質賤不勝悽悽柳文悽悽荒懇悽

噓難宣

噓噴叫呼也增韻言聲也法言通諸人之噓噓莫如言吳書張淵傳悽悽懷慕噓噓言聲王監

庫啟拳拳所

寓噓噓奚殫

賀婁參政

宋史機以禮部尚書兼給事中擢同知樞密院事兼太子賓客進參知政事

中宸孚令近弼陞班甫登基命之庭以身為天下重

詩基

命宥

即參制政之府其職與宰相均

宋太祖乾德二年已相趙普畏其專

密將擇官以為副而難其名稱問陶穀下宰相一等有何官對曰唐有參知政事今可用之遂命薛居正呂餘慶為叅知政事位宰相後敕尾書銜降宰相數字至道元年詔叅政與宰相分日知印押正銜其碑位先異宜合為一並得

升政事堂

華喬瞻瞻堪輿並況

況通作貶賜也漢武帝紀天地況施拜況於郊

漢郊祀歌天地並况惟余有慕

恭惟某官凝然九鼎之重炳若六符之

光置在朝端

文選改授朝端柳文鸛立朝端

卓為世表於菟坐嘯落邪

膽以皆驚

左傳楚人謂虎於菟淮南子虎嘯而谷風至

大蔡前知斷疑謀而

不惑

左傳臧武仲自邾使臧賈且致大蔡焉淮南子大蔡神龜出於溝壑禮郊特牲龜為前列先知也金

次之見情也羅隱啓軒鏡庖刀靈著神蔡

罄日月論思之益整星辰步武之

高進翊紫樞

李尋傳紫宮極樞通位帝紀唐制黃樞貳職紫府弘真

與籌青幄以

社稷之忠任擁昭之寄

霍光傳贊光以結髮內侍起於階閭之間受襁褓之託任漢室

之寄因敵制權以成其忠遂匡國家安社稷擁昭立宣雖周公阿衡何以加此

以儒學之舊有

傳元之功

蕭望之傳望之為太傅以論語禮服授皇太子太子襲尊號是為孝元帝望之以師傳見

尊重甚鄉納之

羽翼既成股肱益壯淮南之謀自寢汶陽之田

亦歸五兵不用而太白間悉本訐謨之妙四時以和而

羣生遂更資變贊之功起泰山之雲於崇朝之間作傳

野之霖於大旱之後

東坡詩久苦趙盾日欣逢傳說霖

益萬頸胥延之

已久故上心簡用之特殊左禹右皋政事筆暫煩於分

理

大戴禮昔者舜左禹而右皋陶不下席而天下治

前杜後宋廟堂衣衾慶於

相傳

唐書姚宋傳贊唐三百年輔弼者不為少獨前稱房杜後稱姚宋

某久託鈞鎔欽

聆緝綽顧鴻烈屢書而難盡

韓文足下嗣德有繼將大書特書不一書而已也

第緝聲入耳之已繁

王莽傳紫色緝聲班固答賓戲夫啾發投曲感耳之聲合之律度淫

之樂也注淫緝邪音也

念冉求為邦嘗與二三子從游

之列幸執禮當國或在四十人特薦之中宜其懽愉倍於倫等

賀禮部葉尚書

九重錫命八座登賢風采聳聞士方憚陽城之為諫議

陽城傳城未起想見風采既興草茅處諫諍官士以為且死職天下益憚之禮典未備帝乃

咨伯夷而作秩宗尚書命汝秩宗典朕三禮位峻班行韓文秀出班行又強顏班

行事闕機要恭惟某官名隨日起韓文功業逐日而新名聲隨風而流氣

與天高杜詩尚書氣與秋天香以文章之瑞取唐儒之甲科唐張鷟為

兒時夢紫文大鳥五色止於庭以告祖父祖父曰赤文鳳也紫文鸞也汝殆以文瑞朝廷乎以道德

之英窺老氏之藏室

華嶠後漢書學者稱東觀為老氏藏室詳見前

九牧之金

鑄夏鼎魑魅潛形

左傳夏方有德貢金九牧鑄鼎象物使民知神姦故民入川澤山林不逢

不若魑魅罔兩莫能逢之用能協於上下以承天休

五色之線補舜裳山龍增耀

王建詩早歲天教作霖雨明時帝用補山龍

幸遇可忠言之聖主詎容有顓

制之姦臣雖臯陶與共鯀而同朝每切去凶之念及孔

子歸鄆讙之故地竟成偃伯之功猶懷治世之隱憂屢

上明朝之封事

杜詩明朝有封事

用蕃畫接

易錫馬蕃庶又畫日三接

進長

春曹聖治更新既已闢四門達四聰而明四目

尚書詢於四岳

開四門明四目達四聰

皇猷大闡又將舞八佾節八音而行八風

律歷志統八卦調八風理八政正八節諧八音舞八佾監八方被八荒而終天地之功

黼黻乎珣

戈之容

韻會珣亦作敦畫弓也詩敦弓既堅漢書郊祀志賜爾旂鸞黼黻珣戈晉書載記鐵騎如雲出

玉門而長驚珣弓乃主夏盟山玄朱組以清蜀京節度使貞碑鉄鉞珣弓乃主夏盟山玄朱組以清蜀京節度使

劉昌碑壽甲珣戈涇師以貞隼旗驚尾涇俗以寧杜詩元帥侍珣戈注珣戈刻鏤之戈也冠帶乎氈

裘之俗

匈奴傳長城以內冠帶之國又被旃裘揚雄傳旃裘之王胡貉之長移珍來享抗手稱臣措

諸熙泰賴我直清讀夫倚相之典墳仍有光於帝學文

以周公之禮樂宜即正於台司某曳尾窮途

莊子釣於濮水楚王

使大夫往先焉曰願以境內累子莊子持竿不顧曰吾聞楚有神龜死已三千歲矣王中笥而藏之廟堂之上此龜者寧其死留骨而貴乎寧其生曳尾於塗中乎二大夫曰寧生而曳尾於塗中莊子曰往矣吾將曳尾於塗中杜詩窮塗愧知已 搖心崇祀聽出綸而滋喜望鳴履以無從

顧方託鄉曲之榮

虞廷傳無鄉曲之譽孟浩然詩鄉曲無知已韓詩歲貢鄉曲英唐薛登傳

考素行之原詢鄉曲之譽

且將脫縣同之責錦衣行畫聿新漢三輔

之觀瞻綿絕在郊或與魯諸生之徵召情之所系言莫

能宣

謝提舉莊大卿舉陞

馳咨度之駟務以至公而察吏

詩載馳載驅周爰咨度又我馬維駟

蜚薦

揚之鶚取其或善於字人明陟所闕靜循匪稱伏念某

淺用非幹時之具

文選思夫人之政術實幹時之良具

獨行無媚俗之姿

謂之拙則有餘諱其窮而不免自初第謾誇於清齒

韓詩

憶昔初及第各以少年稱君順始生鬚我齒清如冰

奈積憂漸至於熏心

易危熏心也東

坡集積憂熏心

乙乙孤官

陸機文賦思乙乙其若拙乙乙難出貌韻會乙乙未辰也

陸陸半

世廣文之飯不肉堪憐得祿之遲

杜詩甲第紛紛厭梁肉廣文先生飯不足

靖節之琴無絃敢歎知音之少

陶潛傳性不解音而蓄素琴一張徽絃不具每

撫而和之曰但得琴中趣何勞絃上聲

弗易為者凋縣所難化者頑民帑

廩枵然銛簫熾甚

銛簫音項簡趙廣漢傳教吏為銛簫頗師古曰銛簫若今盛錢藏瓶為小

孔可入而不可出或銛或簫皆為此制而用受書令投於其中也

兔竭不肖之材力務

振久頽之紀綱臬事用稀

尚書汝陳時臬事

財經差裕穰稔屢

聞於告稔蝮蝮幸免於流災

爾雅蝮蝮蝮蝮五行志宣十五年冬蝮生師古曰蝮蝮

蝮蝮蝗類

十能之百能之千能之顧已長而何有一異也二

異也三異也匪人巧之可為由大官不誅責以小文故

小吏得宣布其大惠豈期過聽遽以名聞茲蓋伏遇某

官百吏宗師萬民司命輟方壺之游而抗攬轡之志操

平準之術而試秉均之才當舉行荒政之秋

周禮大司徒之職以

荒政十有二聚萬民

尤加察深山之國且照臨在上敢辭出戴星

入戴星之勞雖覆幬無私但見皆有天獨有天之異憐

其舊物寵以好詞學道愛人在孔門乃居於十哲以儒

節吏歷漢世可稱者三人

循吏傳江都相董仲舒內史公孫弘倪寬居官可紀者三

人皆儒者通於世務明習文法以儒術飾吏事

豈繫孱庸

孱劣也冀州人謂懦弱為孱史記吾王孱

王也廣韻屏不肖也

蒙此褻拂某敢不堅持精白仰副澄清幼而

學欲壯行端藉挽推之力去之日如始至益殫摩撫之

勞

左傳叔孫所館雖一日必緝其牆屋去之日如始至

通交代秦宰

浴鳳天池羨名賢出公相之後

唐詩欲知世掌絲綸美池上於今有鳳毛杜牧

之文名卿賢相之家清風素範之族子孫森羅髦俊並作

交龜巖邑愧野人居君子

之先將事契於無窮

王元之詩古之重交代子孫不相忘

第占詞之不敏

恭惟某官冠雲華閱擊水修程

莊子擊水者三千里

黃金不如遺

經愛玄成之修父業

韋玄成字少翁父子俱以名經至相故齊魯諺曰遺子黃金滿籬不

如教子一經詳見前

甘棠猶有故笏信魏謩之有祖風

唐魏謩為起居舍人

帝問卿家書詔頗有存者乎謩對惟故笏在詔令上進鄭覃曰在人不在笏帝曰覃不識朕意此笏乃今世甘

棠宣宗稱謩名臣孫有祖風

既根種之不凡宜名聲之寔大乃迂雋

武自溷常涂未免效仇郎之勾稽

仇郎謂仇香羅隱詩金庭養真地朱篆勾

稽亦嘗親庾氏之會計

庾氏略庾氏堯時掌庾大夫以官命氏何斯舉詩官稱庾氏莫

言實貨橫道

韓昌黎薦樊宗師書誠不忍奇貨橫棄道側而足下篋橫尚有少闕不滿之處猶足

更公車交章

劉向傳章交公車人滿北軍

矧台揆是知音之人而雷

封豈展足之地恢乎有餘之刃經肯綮之未嘗

莊子技經肯綮

之未嘗而況太輒乎

甚矣不調之琴必更張而乃可聊施敏手足

慰羣心要令窮谷深山喜見青天白日疇咨縣最豈須

五柳之成陰入踐世官行應三槐之雅望某生於屢畝

奮自塲闡厯憂患之日多覺功名之甚薄為官拓落敢

嫵六百石之昇行路歎危且虞九十里而止喜文園之

未至

司馬相如傳相如拜為孝文園令文選相如未至

悟靖節之昨非

陶靖節歸去來

辭入迷途其未遠

曲為覆藏善令更替

晉謝方明善治郡所至有能名

覺今是而昨非

承代前人不易其政必當改課雖居殿上大夫必能容

者則以漸移變使無迹可尋

左傳上大夫受縣下大夫受郡周書作維篇千里百縣縣有四郡

政有可言舊

下大夫

南史傳代劉元明為山陰令問元明日願以舊政告新令尹

搖旌甚切叱馭毋徐

賀寧國太守王大卿

正次春王運開五始

春秋每歲書春王正月王褒傳恭惟春秋發五始之要元者氣之始

春四時之始王受命之始正月政教之始公即位一國之始是為五始

泰內君子道進三

陽恭惟某官身負奇才世傳奧學九卿上列鴻名聯內

閣之華十乘元戎燕寢奏東藩之最當攝提之遷次

爾雅

正月為陬離騷攝提貞於孟陬天官書攝提三星若鼎足句之直斗杓所指以建時節宜戢穀之具

綏佇捧絲綸歸調鼎鼎

杜詩調和鼎鼎新

某小冠屬吏敝履陳

人

鮑宣傳衣敝履空史記東郭先生久待詔公車貧困饑寒履有上無下行雪中足盡踐地莊子人而無人

道謂之陳人王維集牽衣肘見步雪履穿李商隱故穿履敝衣正同北郭橋頂黃馘乃類曹商一縣淒

涼未辦採花而獻壽二天廣大但知結草以酬恩

賀通判正

歷象日月星辰方謹堯時之授

尚書乃命羲和欽若昊天歷象日月星辰敬授

人布治邦國都鄙聿新魏闕之觀

禮天官正月之吉始和布治於邦國都鄙

乃垂治象之法於象魏

蔚有嘉祥萃於端佐恭惟某官負才真偉

履德純深今守昔賢尤賴題輿之闕決南山北水不妨

司馬之從容茂對三陽具綏百福佇錫綠綈之命進聯

紫橐之班某縣絃見嬰賓裾阻綴瓜而往瓜而代尚沾

九里之恩桃其實桃其華願薦千年之壽

漢武故事西王母降獻桃

七枚帝欲畱核種之母笑曰此桃三千年生華三千年結實人壽幾何帝乃止之

賀職曹官正

月端蓂莢開畫景之舒遲年後梅花報春風之爛漫

劉潛

夫元日詩未將柏子簪新歲恐與梅花敘隔年

熏為上瑞萃在初筵恭惟某官

紫履粹深器資宣朗孤標之映玉府具瞻卿列之高

杜詩

王府英孤標

四座之敷瓊林喜接英寮之盛對剛辰而受祉

曲禮外事以剛日內事以柔日甲子為剛日主外事東坡詩剛辰日月明

即要路以揚

芳某邑掣所拘賓階莫旅瓜丘解戍雖已動於歸心泰

谷成暄尚有資於妙曲

賀樓參政

敷告大廷延登次弼紫樞望重須同參王鉉之謀

易鼎王鉉

黃闥位虛當已覆金甌之姓

漢丞相金印紫綬黃扉黑幡所以異車服於百辟也

詳見第四卷唐崔琳傳琳與弟珪瑤俱列祭戟初玄宗每命相皆先書其名一日書琳等名案上欲用為相會太子入覆以金甌謂太子曰此宰相名若自意之誰乎即中且賜酒太子曰非崔琳盧從愿乎帝曰然

宜

茲特拜咸爾具瞻恭惟某官嘽嘽儒宗

郊特牲夏弁殷嘽周收王制殷

人嘽而祭大雅云常服黼嘽是嘽乃殷之祭冠柳子厚先友記趙需天水人嘽嘽儒士也有名注云嘽沉羽切商之冠名也於趙需儒士無意義今按柳文段太尉逸事狀云太尉為人姁姁常低首拱手姁火羽切事出呂氏春秋云嘽嘽然相樂也今云趙

皤皤國老

尚書皤皤良士

以

仲尼之道航四瀆學造乎深

法言仲尼之道猶四瀆也經營中國終入大海以

韓愈之文障百川言歸於正

韓文障百川而東之

將身進退為國

安危方當攀真主之龍鱗何畏跼姦臣之虎尾抗章勇

甚納履去之激綠野之波而謝人間詎容久晦

裴度傳時闇豎

擅威天子擁虛器縉紳道喪度不復有經濟意乃治第東都集賢里午橋作別墅具燠館涼臺號綠野堂激波其下與白居易劉禹錫為文章把酒相歡不問人間事起泰山之雲而雨天下靡

俟崇朝知吾道之復伸惟舊人之是任在唐頗牧乃出

禁中為漢伊周宜持兵本

周勃傳贊誅諸呂立孝文為漢伊周表益傳絳侯為太尉

本兵柄霍光傳將軍若能行此亦漢其特立獨行有如此之伊尹也又雖周公阿衡何以加此

此者則折衝壓難豈不遠哉收天戈以清六合之塵却

敵騎以綠五原之草

呂溫凌煙閣功臣頌五原草綠不見南牧李詩五原秋草綠戰馬一

何驕中華奠枕當寧垂裳輯此茂勳基於妙算爰進陪於

坐論仍作輔於儲明於赫皇朝尤崇政府

宋以叅知政事為政府亦

日宰

自乾德之命薛居正及至道之用寇萊公雖元臣

如趙普不得以專權故上相若呂端乃與之均禮

東都事略

呂端拜參知政事多召便殿語必移晷後罷蒙正而相端餘見前

一時異數百世流光

矧廟謨未正於冢司

光武紀贊明明廟謨

而魁柄全歸於宰旅

左傳

晉韓起聘於周曰將歸時事於宰旅注冢宰之元士職源參知政事張昇乞致仕批答云比閱奏於公車願還

事於宰旅肆疇名雋遠跨前芳齊七政於平衡孰能如暢

張璠

漢紀王暢字叔茂名在八俊靈帝時為司空以水灾免會有災異言事者皆言三公非其人宜因其變以暢代之則禎祥必至陳蕃傳蕃代楊秉為太尉讓曰齊七政訓五典臣不如議郎王暢詳見十五卷押千官

之重印無以易堯

荀子古者天子千官諸侯百官嚴助傳奉千官之共注千官猶百官多言

之耳李賀詩獨垂金印押千官周昌傳昌為趙相既行久之高祖持御史大夫印美之曰誰可以為御史大夫者熟視堯曰無以易某託在元鈞慚非美製

舊唐書韋仁約除尚

堯遂拜御史大夫


書左丞仁約奏曰陛下為官擇人非
其人則闕今不惜美錦今臣製之
雖解戎僅餘於旬

月而觀光賔隔於霄涂想獨坐退思之巖有懷零落

老國

間談宋魯宗道為執政營一小室畫山水朝退獨坐曰退思巖妻亦不許入必大開翹材之

館以類甄收



橘山四六卷十三

欽定四庫全書

集部
橘山四六卷十四

詳校官庶吉士臣翁樹培

主事臣呂雲棟覆勘

總校官編修臣王燕緒

校對官主事臣陳文樞

謄錄監生臣汪志伊

欽定四庫全書

橘山四六卷十四

宋 李廷忠 撰

明 孫雲翼 注

重明節賀表

宋光宗生於紹興十七年九月四日乙丑以生日為重明

節

得衢為皇久燕大庭之養

莊子得吾道者上為皇而下為王失吾道者上見光而下

為先天誕聖丕昭華渚之祥

易先天而天不違穎川語小云詩書中凡云誕者乃

也濶也欺也生民詩上文言載生載育故下文云誕彌厥月誕寘之隘巷皆訓大非訓生育也今人直謂慶生

為慶誕生辰為誕節是為慶大與大節矣春秋元命苞黃帝時太星如虹下流華渚女節夢接意感生白帝朱宣宋均曰華渚渚名也朱宣少昊氏洽慶禮於三宮藹頌聲於萬宇恭惟

太上皇帝陛下功成不宰

老子生而不有為而不恃長而不宰杜審言詩不宰神功

運

德運乃神

尚書帝德廣運乃聖乃神

繼照於時合重離明兩之象

謝莊表明兩承乾元良作貳選詩一旦作明兩

高尚其志應大有上九之文

卦

上九爻不事王侯高尚其事象曰不事王侯志可則也大有上九爻自天祐之吉无不利

與造物以

同游自生民而獨盛正金莖浮沆瀣之氣乃慈闈標震

夙之期

詩載震載夙載生載育震謂姪身動夙謂疾而不避

臣將指行邊傾心報

上捧玉卮呼萬歲阻陪漢殿之班

漢高帝捧玉卮為太上皇壽

獻寶

鑑紀千秋願效唐臣之祝

唐千秋節公卿並獻寶鑑張九齡上事鑑十章名曰千秋

金鑑錄以伸諷諭

重明節賀表

天子之父曰皇備舉日朝之禮

禮記文王為太子朝於王季日三鶚初鳴而衣

服至於寢門外問安及日中又至亦如之及暮又至亦如之諸遂良疏周室問安三至必退漢儲視膳五日乃

來崔融傳周儲故事一日三至於寢門晉室舊儀一月五朝於左闕老人之星主壽適當

秋見之期

史記狼北地有大星曰南極老人老人見治安不見兵起常以秋分時候之於南郊隋志

老人一星在弧南一曰南極常以秋分之旦見於丙春分之夕沒於丁見則化平主壽昌月令秋分日饗壽星於南郊爾雅壽星角亢也注列宿之長故云壽星唐會要開元勅有司置壽星壇以千秋節日修祠祭老人星著之常式杜詩南極老人應壽昌對金鑑以交輝望瑤階而歸美恭惟

太上皇帝陛下持循一道度越百王錫玄圭以告成功

居然退託

尚書禹錫玄圭告厥成功張說述聖頌玄圭錫於夏禹赤伏歸於漢光東坡詩功成天已

錫玄圭索玄珠而悟罔象至矣冲虛

莊子黃帝游於赤水之北登乎崑崙之丘

而南望還歸遺其玄珠使智索之而不得使離珠索之而不得使喚詬索之而不得也乃使象罔象罔得之黃帝曰異哉象罔乃可以得之乎祥開誕月之符

詩無災無害誕彌厥月

丕行過期

之厯

漢書諸侯王表周過其厯秦不及期注武王克商卜世三十卜年七百今乃三十六世八百七十六

歲此所謂過其厯者也

慶賚渙敷於前殿懽呼震動於中嵩

郊祀志嵩

高為中嶽韓詩四方環鎮嵩當中央白虎通中央之嶽獨加高字者何中央居四方之中而高故曰嵩高山漢武帝紀朕親登嵩高御史乘屬在廟旁吏卒咸聞呼萬歲者三駱賓王啓嵩山動萬歲之聲德水應千年之色

臣假守窮邊幸逢盛際

七啓此伯道之至隆而雍熙之盛際

三萬里恍遙

於弱水莫與稱觴

仙經蓬萊隔弱水三十萬里終不可到文選稱萬壽以獻觴又獻萬年之

玉觴八千歲仰祝於大椿第厘舞手

瑞慶節賀表

寧宗生於乾道四年十月十九日丙午初以生日為天祐節後改瑞慶節

十月就盈祥開若水

左傳使以十月八日良月也就盈數焉注數始於一盈於十故以十

月為良月若水顓頊所生處也呂氏春秋顓頊生於若水巖處空桑乃登帝位帝王世紀顓頊黃帝之孫昌意之子母曰景僕為昌意正妃謂之女樞金天氏之末瑤光之星貫月如虹感女樞於幽房之宮生顓頊於若水常袞賀代宗天興節表十月良月遠膺盈數之期先天奉天近和中元之歷四方來賀驩動

中嵩昭聖人間出之符衍治世無疆之歷恭惟我

皇帝陛下握樞運化

宋九錫文負宸握樞光歸明哲王元長策秀才文東籙御天握樞臨

極紹統垂休坐明堂而朝諸侯式顯肅雍之相

詩於穆清廟肅

雍顯相濟濟多士秉文之德

體紫宮之奉太后聿崇欽愛之風

甘泉賦似

紫宮之崢嶸春秋合誠圖紫宮太帝室太一之精也春秋元命苞紫之言此也宮之言中也言天神圖籙陰陽開閉皆在具此丕猷萃為繁祉當流虹之紀節

大選星虹樞電

此中也帝王世紀少昊母曰女節黃帝時有大星如虹下流華渚女節感而生少昊

成就日以傾誠

大戴禮宰我曰請問帝堯孔子曰其仁如天其智如神就之如日望之如雲

臣服役行臺阻

陪班綴錫皇極之九五福如近對於天光

尚書皇建其有極斂時五

福用數錫厥庶民祝聖壽之億萬春切喜聆於輿誦

杜詩

又九五福一曰壽聖壽宜過億萬春韓文天錫皇帝與天齊壽億載萬年為民父母

瑞慶節賀表

天子接千歲之統茂對亨嘉

司馬相如傳今天子接千歲之統

諸侯賀

十月之朝訢逢震夙

晉禮志漢以高帝十月定正旦為歲首至武帝改用夏正然每月朔

朝至於十月朔猶常饗會受賀及贊百官受賜宴享大作樂如元正之儀仰瑞符而有耀

後漢

荀彧傳天降嘉瑞地出吉符唐葉說傳帝王之興必有符命

申善頌以無疆恭惟我

皇帝陛下叙禹九功

尚書九功惟叙九叙惟歌

傳堯一道

董仲舒傳禹繼舜舜

繼堯三聖相授而守一道

天璣麗正赫重離繼照之光

曹植詩大魏承天璣顏延

年哀策文用集寶命仰陟天璣注天璣喻帝位也易重明以麗乎正

神鼎持盈備既醉太

平之福

宋志神鼎者質文之精也知吉知凶能重能輕不灼而沸五味自生王者盛德則出晉志神鼎

神器也典畧神鼎丹甑醴泉以為大瑞子華子黃帝之
治天下百神受職於明堂之庭乃采銅於首山鑄神鼎
於山上宋禪齊璽書神鼎將遷寶策無主江淹詩廣成
愛神鼎陳思王大魏篇神鼎周四阿符瑞志宋元嘉十
三年武昌縣章山出神鼎崔子玉實大將軍鼎銘持盈
若冲滿而不溢黃耳不革玉鉉終吉詩既醉以酒既飽
以德君子萬敷兩階之文而遠方服尚書帝乃誕敷文
德舞干羽於兩階

飾九筵之祀而神人和

周人明堂度九尺之筵尚書神人以和

萃此丕休

見乎初度

離騷皇覽揆余於初度兮

電樞旋於北斗

文選星虹電樞昭聖德之符注

帝舜母感樞星之精而生北斗第一星也電光也帝王
世紀黃帝少典之子母曰附寶見大電光繞北斗樞星
感之而孕二十四
月生黃帝於壽丘
孤星燦於南郊臣
叨領邊麾遙瞻觀

闕公卿迭進已莫陪奉觴上壽之班田里交歡其敢望

增秩賜金之寵

循吏傳二千石有治理效輒以璽書勉勵增秩賜金或爵至關內侯

瑞慶節賀表

周歷方新應七百年之興運

左傳成王定鼎於郊廓堯卜世三十卜年七百

門有慶當十四月之誕辰

帝王世紀帝堯陶唐氏祁姓也母慶都孕十四月而生堯

於丹陵漢武帝鉤戈趙婕妤妊身十四月乃生上曰昔聞堯十四月而生今鉤戈亦然乃命所生門曰堯母門

喜溢乾坤頌騰川阜觀八荒之賓服慶四海之攸同恭惟

皇帝陛下緝熙帝載

詩於緝熙單厥心尚書有能奮庸熙帝之載

恢大皇綱

崔駰達旨古者陰陽始分天地初制皇綱丕緒帝紀乃
設班固答賓戲廊帝絃恢皇綱孫子荆代與孫皓書九
州絕貫皇綱解紐晉書帝王莫不張皇綱以極躬儉約以
羅遠飛仁風以被物文中子恢皇綱立人極躬儉約以
移風性仁柔而理物文軫通乎薄海坐收極治之功

文選

文軫薄桂海
聲教燭冰天

神策授於上天丕擁無疆之福流虹紀節

舞鳳來儀臣假守荒邊欣逢盛際北辰之居星拱莫預

對揚

晉書紀瞻傳若列宿之綰北極百川之歸巨海萬
卷菁華舜之在位猶北辰然揚雄甘泉賦湛露之

晞朝陽衆星之拱北辰子華子昔堯居於橐室之宮垂
衣而袞幅遠如神明之居輯五瑞以見羣后帶幅舄而

入覲者如
衆星拱北

南山之壽日升敢忘美報

詩如月之恒如日
之升如南山之壽

瑞慶節賀表

天作之君紀載生於甲觀

漢武紀生甲觀畫堂三輔黃圖太子宮有甲觀冊府是甲

觀懸弧之日乃銅律禦戶之時唐于邵降誕頌甲觀畫堂繞樞神光宋表當正陽統月之辰乃甲觀襲祥之日

人助者信效三祝於華封

莊子堯觀乎華封人曰噫請祝聖人使聖人壽堯曰辭使

聖人富堯曰辭使聖人多男子堯曰辭多男子則多懼富則多事壽則多辱

福履日升歡呼

雷動

薛逢詩欲識皇恩無遠近萬方懼忤一聲雷

恭惟皇帝陛下五位當陽

九重御世整齊王度恢拓神基儉德冠乎百王至矣在

躬之寶

尚書慎乃儉德老子我有三寶寶而持之一曰慈二曰儉三曰不敢為天下先利澤施

於四海熙然同宇之春

荀子萬物同宇而異體

羽階敷來遠之文

麟隲奏屢豐之瑞

詩但隲但畛又綏萬邦屢豐年

明良胥契清淨興歌

曹參傳百姓歌之曰蕭何為法講若畫一曹參代之守而勿失載其清淨民以寧一

當若水之開

祥指如岡而歸美臣猥叨共理欣際盛明望宮闕於蓬萊之山阻陪拜舞卜世年於郊廓之野徒切傾祈

瑞慶節賀表

系唐統接漢緒聿觀真主之興

大選東都賦聖皇握乾符闡坤珍披皇圖稽帝

文系唐統接漢緒茂育羣生恢復疆宇勲兼乎在昔事勤乎三五

昇如書授義圖茂對

上天之眷

東京賦龍圖授義龜書畀如

歷千秋而紀節

唐實錄玄宗以

垂拱元年八月五日生於東都左相乾曜右相說
上表曰少昊著流虹之感商湯本玄鳥之命陛下
二氣合神九龍浴聖月惟仲秋日在端五恒星不
見之夜祥光照室之朝請以是日為千秋節著之

甲薄四海以均歡恭惟皇帝陛下九重御世五位

當陽祖烈丕承

尚書丕承
武王烈

皇猷濬發

大猷濬發

乾行

而道不息

易天行健君子
以自強不息

泰來而志交通

易泰小往大
來吉亨則是

天地交而萬物通也
上下交而其志同也

握金鏡以臨人旁燭八紘之遠

春秋

錄孔法有人卯金握天鏡尚書考靈曜泰失金鏡魚目
入珠鄭玄曰金鏡喻明道也齊建武記受終建極握鏡

臨宸齊禪梁文握鏡旋樞允集明哲梁簡文帝南郊頌
憑王几握金鏡君臨萬國徐陵文握金鏡而授河圖執
玉衡而運乾象揚雄傳燭六合耀八紘注八紘八方之
綱維也淮南子東北之紘曰和丘曰荒土東方之紘
曰棘林曰桑野東南之紘曰大窮曰衆安南方之紘曰
都廣曰反戶西南方之紘曰金丘曰沃野西北之紘曰
一目曰沙所北方之紘曰積水曰委羽
運玉衡而齊政坐調五緯之平尚
在璿璣玉衡以齊七政文選玉衡正而太階平又仰察
五緯又五緯不愆六氣無易郎顗傳五緯循軌四時和
睦春秋內事天地開闢五緯各在其方至伏羲乃合故
以為元唐興復神龍開創制齊五緯而平太階應三神
而登日觀纂要五星謂之五緯李百藥詩農扈登秋九
經綸五緯同駱賓王詩五緯連影集星躔
詳見前蔡邕獨斷候亭沉燧燧煙也夜望烽燧望燧賈
秋扈氏趣民收斂

薰作至和之福萃於載夙之辰臣欣覩榮光謬將隆指

雖君門遠乎千里信不違顏

管子堂上遠於百里堂下遠於千里君門遠於萬里

左傳天威不遠顏咫尺

而聖壽過於萬春惟勤善頌

冬至節賀表

歲紀得天屬三微之肇叙

封禪書黃帝得寶鼎神策是歲已酉朔旦冬至得天地之

紀於是黃帝迎日推策後率二十歲復朔旦冬至至律厯志夏數得天得四時之正也又三微之統既著而五行自春始其序亦如之陳寵傳三微成著以通三統注三微三正也白虎通正朔有三本天有三統謂三微之月也明王者當敬本重始也禮三正記曰三微者何謂也陽氣始施黃泉萬物動微而未著也十一月之時陽氣始

養根於黃泉之下萬物皆赤故周為天正色尚赤十二月之時萬物始牙而白故殷為地正色尚白十三月之時萬物始達莖甲而出皆黑故夏為人正色尚黑不以二月後為正者萬物不齊莫適所統故必以三微之月也易乾鑿度三微而成著三著而體成當此之時天地交萬物通也李疎詩律應三微晉杜審言詩三微歷數遷

雷復在地知萬彙之潛萌亭會有開頌聲交暢恭惟

皇帝陛下紀綱四國

詩勉勉我王
綱紀四方

規矩二儀

張衡東京賦
規矩

地

赤祚重光千歲接帝堯之統

春秋合誠圖堯母慶都生於斗維之野有赤龍

負圖出慶都讀之云赤受天運下有人圖衣赤衣面八彩鬚髮長七尺二寸銳下豐上足履翼宿署曰赤帝起

成天下寶尚書惟文王武王宣重光

玄圭告瑞八年成大禹之功挈道揆

之精剛調元化而宜穆方義轂起牽牛之度

廣雅曰御曰義和山

海經每日出義和二國為御推而升太虛許敬宗詩義馭循黃道

乃嶰簫奏鳴鳳之音

福與陽升壽隨春介

詩為此春酒以介眉壽

臣叨縻郡紱阻奉庭

班日月合五星連欣迓初長之景冬夏至八風序願書

大有之年

魏相傳冬至則八風之序立萬物之性成春秋宣公冬大有年注五穀大熟為大有年

冬至節賀表

灰律動乎緹室初驗陽生

唐太宗詩灰律動初陽

雲瑟奏於園丘

茂迎日至

周禮大司樂凡樂雷鼓雷鼗孤竹之管雲和之琴瑟雲門之舞冬日至於地上之圜丘奏

之若樂六變則天神皆降可得而禮矣
禮記郊特牲郊之祭也迎長至之日也大矣一人之慶

尚書一人有熙然萬彙之亨
闕中詩如熙春陽易亨者嘉之會也恭惟我

皇帝陛下黼黻洪猷樞機元化敬五事協五紀開乾坤

交泰之符
尚書次二曰敬用五事次四曰協用五紀曹植冬至表一陽嘉節四方交泰合八

能陳八音正禮樂復興之日排窮陰而出地導和氣以

浮春沸在朝在野之懽聲介如阜如川之遐福臣邀居

邊服欣際昌辰望拱北之星阻綴珠躔之末迓極南之

景彌占鼎策之長

正旦節賀表

春王正月麟經書五始之元天子萬年鳳歷啟三朝之

慶勾萌畢達戩穀具綏恭惟皇帝陛下湯銘又新禹服

惟舊齊六符於泰階之上

索隱泰階三台也台星凡六六符六星之符驗也應劭曰泰階

平則風雨時

運五紀於皇極之中天地塞而後通允合大來之

吉日月窮而復始方觀繼照之明

月令季冬之月日窮於次月窮於紀星回

於天數將幾終歲其更始

嘉與函生

武帝紀嘉與七大夫更始漢書太極函三為一注函與舍同

同躋亨運臣馳驅在遠舞蹈架塵想蒼龍駕之迎春咸

知農候

張衡東京賦乘鸞輅而駕蒼龍賀循曰車必有鸞而春駕鸞輅者鸞鳳類而色青故以名春路

也

月令某日立春盛德在木天子乃齋親帥三公九卿諸侯大夫以迎春於東郊賦又曰介御間以剡耜所謂

知農候也

王監稅啓農桑千里屢馳白鹿之車綸綍十行催扈蒼龍之駕舉白獸尊而上壽

夔隔朝班

正旦節賀表

太簇吉辰

王義之月儀書曰往月來元正首祚太簇吉辰微陽始布聲無不宜和神養素小正

布令

小正大戴禮篇名鄭玄曰得夏四時之書其存者有小正

道音徇路萬民新治

象之觀計奏登軒四海盛貢珍之會

漢官儀正月旦天子幸陽德殿臨軒

屬部計吏皆陞觀庭燎班固東都恭惟皇帝陛下
賦受四海之圖籍膺萬國之貢珍

仁天廣覆壽域旁開時明於革而得順應之宜革

象湯武革命順乎天而應乎人象
澤中有火革君子以治歷明時
道長於泰而極

財成之妙
易泰卦君子道長小人道消天
地交泰后以財成天地之道
雖舜庭過密

未容百辟之獻觴
尚書四海遏密八音後漢禮儀志歲
首為大朝受賀百官賀正月二千石

以上上殿稱萬
壽舉觴御座前
而堯野謳歌已肇三農之舉耜
詩三之
日于耜

又以我
卓報
芳辰茂對
梁元帝纂要春辰
曰良辰嘉辰芳辰
景福來符臣際運

重熙
兩都賦至於永平之際重熙而累洽
景福殿賦至於帝皇遂重熙而累盛
蒙恩共理望

光華之夜燎阻綴賓儀

後漢禮儀志正月元旦天子幸陽德殿臨軒公卿郎將大夫百

官陪朝賀屬郡計吏皆觀庭燎魏司空王朗奏事故事正月朔端門設庭燎火炬端門外設五尺三尺鐙月照星明雖夜猶畫傳玄元會賦庭燎晃以舒光張衡東京賦庭燎晰晰王沉正會賦望庭燎之高煬李華含元殿賦設以庭燎天烘地赫岑文本三元頌庭燎晃以奉寬

大之詔書務宣德意

後漢侯霸建請每春行寬大之詔後漢禮儀志立春之日行寬大書

曰制詔三公方春東作敬始慎微動作從之罪非殊死且勿案驗皆須麥秋退貪殘進柔良下當用者如故事

正旦節賀表

行夏之時會三朝而受籍望堯之日歌萬壽以稱觴

王肅

賀正儀元正首祚璇璣改度伏稱萬壽兒寬傳帝東封泰山還登明堂寬上書曰上元甲子肅雝永享見象日昭報降符應臣寬奉觴再拜上

歲祚肇新

晉何充賀正表璇璣運周

元正物情胥悅恭惟我皇帝陛下鴻明麗正駿命肇祚

申休黼黻珥戈增煥右文之治調和玉燭益神贊

化之功再世奉長樂之顏

漢官儀帝母稱長樂宮宣帝紀皇太后歸長樂

宮鄒陽傳梁孝王嘗上書願

庶民同既醉之福運

承累洽月屆始和正百度於履端

左傳履端於始臧洪緒晉書熊

遠議曰履端元日正始之初

萃萬珍而入貢寬澤洪流於溥海

祥雲廣覆於層霄臣身係西陲

陲遠邊也通鑑外紀禹使章亥步自東極至於

西陲漢文紀休兵北陲柳文荷鍤西岩陲

神馳左城

城階甃也西都賦左城右平重軒三階西京賦

右平左城青瑣丹墀景福殿賦其西則左城右平講

想

九賓儀之戒旦阻綴班聯

叔孫通傳設九賓臚句傳王沈正會賦臚人肅其齊列九

賓穆以成行漢官典職正旦天子幸陽德殿作九賓樂魚龍曼延戲顏師古詩垂旒御九賓

奉五條

詔以班春第增舞并

正旦節賀表

帝出震以御宸莫妙圓規之運王次春而布政有嚴左

个之居會圖籍於三朝拜衣冠於萬國

王維詩萬國衣冠拜冕旒恭

惟皇帝陛下躬修禹度首正堯綱乾坤泰來游巖廊而

自治

子華子舜游於巖廊之上董仲舒傳游於巖廊之上注廟堂邊廡巖廊謂巖峻之廊也

日月

清照奄函夏以無塵

文選以函夏之大漢兮又函夏承風又函夏謚寧注函包容也讀與

谷同終軍傳邊境時有風塵之謚

方講禮蒐樂以文太平

務先德緩刑以贊元化茂對始和之吉丕膺滋至之休

尚書

天休

臣乘塞云初

趙充國傳乘塞列隧

迎年載喜詔書寬大

後漢書郎

顓頊正月者歲之始王者則天之象因時之序宜

下車

開發德號爵賢命士流寬大之澤垂仁厚之恩

即謹於布宣觀闕岩堯矯首莫陪於呼舞

岩堯高貌七命邈岩堯魯

靈光殿賦岩堯個儻景福殿賦
岩堯岑立潘岳詩修道鬱岩堯

改元嘉泰賀表

宋寧宗慶元六年冬日中有
黑子詔改明年為嘉泰元年

對熙辰而頒朔屬當王化之更

禮天子頒朔聽朔於南門之外

輯美號

以冠元庸迓天休之至

終軍傳獲白麟對曰宜因昭時
今日改定告元發嘉號於營丘

以應緝熙使著事者有紀焉漢書
注蕩滌天下與民更始故以冠元

九重明令

天問圉則九重

孰營度之離騷天之門九重古
雋九陽數之極故天子稱九重八表均歡恭惟我皇

帝陛下躬握樞機

宋與齊九錫文負宸握樞
王元長詩序握機創厯

神存經

緯亨為嘉會參四德於純乾

易文言亨者嘉之會也又曰君子行此四德者故曰

乾元亨利貞

吉與泰來叶三陽於端月順而建政用以名年

邦雖舊命惟新丕昭上意物所始辭謂大允合羣心

董仲

舒傳謹按春秋謂一元之意一者萬物之所從始也元者辭之所謂大也謂一為元者視大始而欲正本也

臣欣覩彌文

揚雄傳豈或帝王之彌文哉注彌加文飾彌猶稍稍也

喜逢昌運方

效馳驅之力阻陪拜舞之班治跨漢京小鳳龍之紀瑞

昭帝紀元鳳元年注二年中鳳凰比下於是冠元文帝紀十五年春黃龍見成紀班固兩都賦序白麟赤鴈芝

房寶鼎之歌薦於郊廟神雀五鳳甘露黃龍之瑞以為年紀

恩霑淮服極草木以同

春

李詩令行
草木春

改元賀表

嘉泰

皇運重開方叶三陽之吉年名肇建式均四表之懽

史記

得萬國之懽
心故天下治

自帝降康

詩自天降康
豐年穰穰

與民更始

武帝紀
嘉與士

大夫更始其以十
月為元封元年

恭惟皇帝陛下智神旁燭

大戴禮其

仁如天其
智如神

道

闕一字

中持積六稔之憂勤

稔熟也年
也左傳卜

偃曰不可
以五稔

順羣心而變易天地交而曰泰喜臨嘉

會之辰

易經亨者
嘉之會也

春秋一以為元遂正歲端之號

表休符之有赫綿慶緒於無疆臣恭對昌辰喜聆溫詔

二千石上壽阻陪正會之儀

晉禮志漢儀有王會禮正旦夜漏未盡七刻鐘鳴受

賀公侯以下執贄來庭二千石以上升殿稱萬歲晉起居注正會日百僚增祿賜醪醢酒入二升

億萬

載太平願獻元和之頌

韓文元和聖德詩天錫皇帝與天齊壽登茲太平無怠永久億

載萬年為民父母

明堂禮成賀表

宋史嘉定二年九月辛丑合祭天地於明堂大赦天下

輯咨議於曲臺藏精禋於太室

說文禋潔祀也一曰精意以享為禋周禮夏后

氏太室殷人重屋周人明堂又明堂東方曰青陽南方曰明堂西方曰總章北方曰玄堂中央曰太廟亦曰太

室蔡邕明堂論取其宗廟之清貌則曰清廟取其正室之貌則曰太廟取其尊崇則曰太室取其堂則曰明堂取其四門之學則曰太學取其四而周水

三靈昭格

校獵

賦上獵三靈之流注謂日月星垂象之應班固典引答三靈之繁祉陸機漢高帝功臣贊三靈改卜陸陞石闕

銘仰協三靈

萬社來崇切以秋而大饗者典有常

周禮孟秋之月九磬

之舞於宗廟之中奏之疏商人祫於一時周禮惟用孟秋之月為之三禮義宗周祫以秋者萬物新成可以奉薦宗廟故合先祖之神而祭之宜在秋也

國雖多故而禮為急屬此卜郊之

歲

左傳襄公十七年夏四月卜郊不從乃免牲

考諸越紼之文

漢郊祀志唯祭宗廟社稷

為越紼而行事引棺索謂之紼言有喪不祭當祭天地五祀則越紼而行不以私喪廢公禮

翼翼堂

筵式廣寧親之孝

周人明堂度九尺之筵東京賦度堂以筵度室以几京邑翼翼四方所視

輝輝壇燎采昭歎帝之忱

東京賦賜橧燎之炎煬致高煙於太一司馬相如傳謁歎

天神注歎誠也

酒醴具陳牲牢畢獻

禮記玄酒在室醴醎在戶陳其犧牲備其鼎俎恭

惟皇帝陛下位正體元

春秋元命苞元年者何元宜為一謂之元何曰君之始元也杜預注

凡人君即位欲其體元以居正道深配祖文化緝熙於百度寬恩滂漉

於羣生

司馬相如傳滋液滂漉注滂漉謂潤澤下究說文漉水下貌吳升詩紛紛委貺知旁達滂漉流

恩亦下蟠邊塵不驚民食自裕以聖繼聖功方美於告成

臣賀乾明節表以聖繼聖謂之大明

因天事天義莫嚴於陟配

尚書殷禮陟配天文

選陟配在京

消上辛而肇祀

郊特牲郊之用辛也周之始郊日以至注用辛者人

君當齋戒自新耳春秋穀梁傳以十二月下辛卜正月
上辛祭禮樂志以正月上辛用事甘泉園丘盧思道詩
開年簡時日上辛稱天吉韓文乃以上辛於郊用牲宋
孝宗詔元日正得上辛合魯經啓蟄之文法周室用辟
之禮端左个以迎禧景鑠神光煥耀叢霄之下

東都賦鋪
鴻藻信景

鑠漢神爵四年詔曰齋戒之暮神光顯著薦鬯之夕神

光交錯五鳳二年詔曰朕齋戒祠后土神光見或興於

谷燭耀齊宮十餘刻甘露二年詔曰神光並見咸受禎
祥永始四年神光降集紫殿盧思道詩神歌已相續神

光復驪聲叶氣翱翔薄海之濱臣護漕邊城

漢朱博為
護漕都尉

王尊為護羌將軍轉校尉護
送軍糧委輸晉有護漕掾

巡瞻鉅典助祭而刑百辟

莫預駿奔

詩不顯惟德百辟其刑之又對越在天駿奔走廟

斂福以錫庶民第

勤虎拜

尚書斂時五福用敷錫厥庶民詩虎拜稽首天子萬年

太后加尊號賀皇帝表

按宋史寧宗慶元元年上壽成皇太后尊號曰壽成

惠慈皇

太后

雲闡重侍夙承貽燕之謀

詩貽厥孫謀以燕翼子

天號渙揚虔奉

歸尊之冊

漢高帝紀父有天下傳歸於子子有天下尊歸於父

驩孚有截

詩相土烈烈海

外有截漢書注裁整齊也李白集武義烜赫於有截柳文我唐德澤光於有截

福介無疆

易受茲介

福於其王母象曰受茲介福以中正也

臣聞漢立四宮莫隆乎長信

三輔黃圖長樂

宮有長信長秋永壽永寧四殿長信宮漢太后常居之
東方朔傳武帝夜出夕還齋五日糧會朝長信宮外戚
傳求共養太后長信宮百官表長信詹事掌皇太后宮
張晏曰以太后所居宮為名也漢官儀帝祖母稱長信
宮文選哀長周稱三母實始於太姜

後漢鄧太后紀上
考詩書有虞二妃

周室三母修行佐德恩不踰闕前漢外戚傳周之興也
以姜嫄及太任太姒詩思齊太任文王之母思媚周姜
京室之婦注周姜太姜也張華詩皇英垂天則大雅咏
三妃成公綏詩二妃濟有虞三母翊周王塗山興大禹
有莘佐成湯

蓋孝之大者顯其親

司馬遷傳揚名於後世
以顯父母此孝之大也

等而上之至於祖

禮記自仁率親等而上之至於祖名
曰輕自義率祖順而下之至於稱名

曰重一輕一
重其義然也

先朝資輔贊之力

太后即孝宗成肅謝皇
后也光宗受禪上尊號

壽成皇后孝宗崩尊為皇太后歷光孝二朝故云再世蒙擁祐之功信非常名

老子名可名非常名可盡至美恭惟皇帝陛下大猷稽衆高行冠

倫欽天語之洋洋聆德音之秩秩五日東朝本列聖相傳

之懿

漢書注五日一朝長信宮故齋五日糧灌夫傳東朝廷辯之注東朝太后朝也

一星南極

正老人出見之時壽齡將七袞之榮

野客叢書以十年為一袞其說見白

樂天集中詩曰年開第七袞屈指幾多人又曰行開第八袞可謂盡天年注曰時俗謂七十以上開為第八袞蓋以十年為一袞爾近時壽聖皇太后慶八十而廟堂有辭免恩例劄子云昌運協千齡之會東朝開八袞之期又曰慶開開八袞之算三世寶牒不一書而足韓愈奉萬年之觴蓋改開字為登字

積書足下嗣德有繼將大書特書不一書而足也

對揚景耀

柳宗元請上尊號表或取其德或昭

其功蓋所以揚景光昭純懿以示遠也

丕闡上儀

蔡邕文皇代之遐迹帝王之上儀柳宗元上尊

號表受自中古實為上儀

形愛敬於四方

文選儀刑乎於萬國愛敬盡於祖考

奉怡愉

於億載

韓文皇帝大孝慈祥友悌怡怡愉愉奉皇太后

臣縻身淮許矯首日邊

赫赫巍巍而超古今亶增華於帝典

韓文可謂赫赫巍巍光前俊矣又赫

赫巍巍超古冠今

蟄蟄繩繩而宜子孫願播美於王風

詩序螽斯后妃

子孫衆多也其詩云螽斯羽薨薨兮宜爾子孫繩繩兮螽斯羽揖揖兮宜爾子孫蟄蟄兮柳文播正始於王風

賀太后牋

神怡廣內風推坤則之成

文選坤則順成

位極常尊宜配乾稱

之大

繫辭乾天也故稱乎父柳文配乾稱大

勤崇丕號哀對修齡恭惟

太皇太后齊曜星軒

文選星軒潤飾星軒軒轅星也謝莊殷妃謚策奉軒景以柔明發迹

謝眺齊明后冊軒曜懷光素舒佇德漢書權軒轅黃龍體前大星女主象小星御者後宮屬援神契軒轅十二

星後宮屬石氏星贊軒轅龍體主后妃也

發祥沙麓

詩長發其祥王莽傳皇太后肇有元城沙麓之

右陰精女主聖明之祥漢元后傳元城建公曰昔春秋沙麓崩晉史占之曰陰為陽雄土火相乘故沙麓崩後

六百四十五年宜有聖女興其齊田乎今翁孺之徙正直其地日月當之元城郭東有五鹿之虛即沙麓也後

八十年當有貴女興云揚雄諫太陰之精沙麓之靈作合於漢配元生成宋文帝路淑媛傳歷集周邦徽音克

嗣氣淳漢國沙麓發祥謝眺齊明
后哀冊文清漢表靈曾沙膺慶

言動中乎繩矩功德

被於詩歌輔烈祖以中興柔儀斯正

祖烈謂孝宗

抱神孫而

內嬪大計以安

神孫謂寧宗嬪古祥字前律歷志堯嬪
舜以天下文帝紀博求天下賢聖有德

之人而嬪天下焉干寶晉論堯舜內
禪體文德也漢魏外禪順大名也

方游心少廣之庭

莊子西王母得之傳乎少
廣莫知其始莫知其終

信比跡太任之聖

列女傳太
任王季之

妃搜於豕牢
而生文王

徽名疊上

詩太姒嗣徽音張
華詩徽音穆清風

鉅典載新臣

叨領邊麾阻陪朝綴唐宮受冊逝瞻萬舞之儀

韓文光
膺令典

受冊宮門懽心始自於內朝孝理遂刑於寰海詩簡兮
簡兮方將萬舞又碩人侯侯公庭萬舞又庸鼓有數萬

舞有夾又萬舞洋洋詩正義萬者舞之總名公羊傳萬者何干舞也審者何羽舞也劉炫云羽者為文萬者為武大戴禮湯武以萬人得天下故干舞稱萬舞樂書武舞謂之干舞干其名也萬其數也漢殿獻觴

竊效三呼之祝

武帝紀詔朕親登嵩高御史乘屬在廟旁吏卒咸聞呼萬歲者三

太后加尊號賀皇帝表

光動鉤鈐侈重親之孝養

史記注鉤鈐天子之御也前天文志右旁有兩星曰鉤鈐

故曰天子之御石氏星經鉤鈐二星主法若近夫妻同心遠者夫妻不和大明則羣臣奉職天下道洽維書靈准聽首戴鉤鈐足文履已胷懷玉斗孝經內事昆弟有親親之恩則鉤鈐不離房宋均曰鉤鈐遠房則疎闕今昆弟相親故天相近明其及也晉天文志鉤鈐名垂琬一星在房東北鉤鈐主闕審王者孝則鉤鈐明

琰歲曠代之慶儀

竹書紀年后桀命扁伐岷山岷山女于桀二人曰琬曰琰斷其名於茗華

之玉唐玄宗孝經序寫之琬琰庶有補於將來

宗社有榮人祇胥抃臣聞君子

重抱孫之義

禮記君子抱孫不抱子此言孫可為王父尸子不可以為王父尸

生民推

尊祖之功

注見後

故唐冊顯於懿安

唐書憲宗懿安皇后郭氏汾陽王子儀之

孫居興慶宮與貞憲皇后寶歷太后號三官文宗謹孝事后有禮奉觴進壽禮如家人

而漢號隆

乎長信

傳朝儀傳皇太后稱永信宮帝太后稱中安宮成帝母太皇太后稱長信宮

雖非三

朝全盛之典要皆一時歸美之名視昔加崇在令創見

恭惟皇帝陛下緝熙王化表顯聖倫承上天與子之

心既親傳於歷數體先皇事母之禮益嚴奉於晨昏
壽衷有開徽音未嘗載肅鳴鸞之駕肆登鏤玉之文

韓文鏤白玉之牒玉海乘翠鳳之車鏤白玉之雖太
牒又維冊伊何鏤玉垂鴻維寶伊何範金鈕龍

極之高可誦而不可名而薄海以外知孝而又知敬

臣濫將華指阻綴清班七六經之傳既極坤稱之美

司馬相如封禪書襲六為七傳
之無禪繫辭坤地也故稱母九五福之錫第勤封

祝之誠

賀太后牋

燕謀啓後尊歸長樂之母儀鴻號殊常丕顯思齊之聖

德詩思齊大任文王之母毛萇注齊莊也詩序思齊文王所以聖也事光史牒禮洽宸

闡恭惟太皇太后母儀天下尊極域中劉禹錫賀表徽號極域中之尊

慈仁為天下之母嫄水源深皇甫規女史箴唐媛興嫄文母盛周魏收後魏書二妃嬪嫄虞道克

昌塗山基正吳越春秋禹三十未娶行塗山恐時之暮失其度制乃辭云吾娶也必有應矣乃有

白狐九尾造於禹禹曰白者吾之服也其九尾者王之證也於是塗山之人歌之曰綏綏白狐九尾疵疵我家

嘉夷來賓為王成子室家我都攸昌天人之際於茲則行明矣哉禹因娶塗山謂之女嬌呂覽禹行功見塗山

之女禹未之遇而巡省南土塗山氏之女乃令其妾待禹於塗山之陽乃作歌歌曰候人兮倚列女傳塗山氏

之女夏禹娶以為妃既生啓塗山獨明教訓啟化其德
外戚傳夏之興也以塗山詩序周南召南正始之道王
化之
基 羨本支於百世首推佑命之勲
詩文王孫子
本支百世 侈福

祿於萬年垂及從心之境養以天下莫伸於歸報至哉

坤元可得而形容

易至哉坤元萬物
資生乃順成天

冊寶告成

簡文頌
寶冊歲

姓帝圖掩映憲宗本紀
發揚鴻休膺受顯冊

旂常增煥孝治通乎三極懽聲

匝於九圍

詩式於
九圍

臣欽覲彌文屬行邊部對金波而稱

壽厥路無繇

漢書月穆穆以金波李尋傳月者衆陰之
長后妃大臣諸侯之象也晉書后妃傳象

玉牀之連後星喻金波之合義璧金樓子星如玉李月
上金波謝朓詩金波麗鵲鵲玉衡低建章杜詩金波耿

繩玉奉玉檢以揚休乃心則喜

賀皇帝加太皇太后尊號表

慶元元年上壽聖隆慈備福太皇太后尊

號曰壽聖隆慈備福光祐太皇太后

慶衍瑤圖備文孫之至養

唐類表踐寶祚握瑤圖

光昭玉冊崇太

母之丕稱禮洽宸闈驪騰海縣

史記中國名曰赤縣神州中國外如赤縣神州

者九乃所謂九州也於是有裨海環之

中賀臣聞義先乎祖化始於家後

世之法姚虞必觀媯汭

帝王世紀瞽瞍妻曰握登見大虹意感而生舜於姚墟故姓姚

氏海賦昔在帝媯巨唐之世尚書釐降二女於媯汭

生民之尊后稷爰姜姜嫄

姜嫄

帝嚳元妃后稷之母詩厥初生民時維姜嫄生民如何克禋克祀又赫赫姜嫄其德不回是生后稷降之百福視前懿以增輝屬熙辰之盛舉恭惟皇帝陛下德茂成

康道隆堯舜繩繩善繼業業致思

董仲舒傳堯兢兢日行其道舜業業日致其孝

列聖貽謀莫重天倫之愛三宮順事共推坤極之隆恩有加而報亦虔位無上者名斯顯侈殊常之令典罔有

煒之柔風

詩彤管有煒說懌女美

臣叨與乘輅訢逢出綽朝於五

日阻陪長樂之仙班奉以萬年願頌元和之聖德

賀太皇太后牋

層闈闈慶丕膺難老之符

詩永錫難老順彼長道

前殿詒謀崇

建極尊之號一新孝理

班超傳陛下以至孝理天下得萬國之歡心杜詩聖朝新

孝理四達懽聲中賀恭惟壽成惠慈太皇太后殿下祥

開夢月

漢元后傳元后母夢月入懷而生

兆卜捫天播美河洲發祥

渭涘

詩文定厥祥親迎於渭玉海塗山之德渭涘之祥

聽宜家之治徽風備暢

於六宮

周禮內宰以陰禮教六宮鄭玄曰六宮謂后也婦人稱寢曰宮后象王立六宮而居之亦正寢

一燕寢五共六宮若今稱皇后為中宮矣

俾與子之謀寶命有光於再世

宸運肇創寶命惟新

儷重華而迪德坐少廣以凝神

老子用志不分乃凝於神

龍衮稱觴竝舉日三之禮金車受冊益迎時萬之休

後漢

輿服志太皇太后皇太后法駕六御金

根車玉輅輦非法駕則乘紫蜀輶車

燕及雲仍

爾雅

子為孫孫之子為曾孫曾孫之子為玄孫玄孫之子為來孫來孫之子為仍孫仍孫之子為雲孫

冠於

今昔臣猥叨華遣欣際盛明望東朝太后之班鳬趨莫

旅上南極老人之祝鼇抃惟勤

鼇海中大鼇說文抃拊手也楚辭鼇藏山抃張

衡賦登蓬萊而容與
兮鼇雖抃而不傾

賀皇后牋

按寧宗元配為恭淑韓皇后繼為恭聖
仁烈楊皇后韓后慶元間崩此楊后也

德備思齊美妃風之克嗣

子夏毛詩序闕睢后妃之德
也風之始也所以風化天下

而正夫號隆長信顯母道之益尊歡達外區孝歸中壺婦也

壺苦本切爾雅宮中術說文宮中道詩室家之壺恭惟皇后殿下德叶坤元教

嚴陰禮倪天作合詩大邦有子倪天之妹毛萇注倪

遂卜之既吉盡禮尊敬之如望則載魄於西朔日為明揚子法言月未

既望則終魄於東其遡於日乎魏名臣奏帝之有后猶日之有月也皇甫謐年歷月羣陰之宗光內日影以宵

曜名曰夜光柳詩說說揖揖而宜子孫上體二南之化詩

文助日為明詩斯羽說說兮宜爾子怡怡愉愉而奉太后助登萬壽之

孫振振兮詳見前儀玉冊揚徽椒塗增曜應劭漢官儀皇后稱椒房詩云

椒聊之實蕃衍盈升美其繁興

以椒塗室亦取溫暖除惡氣也文選春椒塗於瑤臺又椒塗弛衛又痛椒塗之光廓又踐椒塗之郁烈塗道也臣叨持華節欣舉縟儀周道載馳莫綴九賓之列堯門在望第傾三祝之誠

冊皇后賀皇帝表

沈括筆談立皇后當降制誕告不裝告身而用冊本朝諸后皆

止用告景祐元年立后用冊後皆循之

移風以厚人倫造端有地

子夏毛詩序先王以是經夫婦成孝敬厚人倫美教化移

俗後星之配皇極作合自天

天官書中宮天極星後有四星其一為正妃餘為嬪

御之屬靈憲紫宮為皇極之居晉書后妃傳序作配皇極齊體紫宸象玉牀之連後星喻金波之合義璧

侈

鴻號以揚徽煥翟容而增飾

翟山雉也周禮內司服韋衣褕狄鄭玄云狄當為翟

文選痛翟綸之重晦又后車名詩翟茀以朝周禮王后五路重翟錫面朱總厭翟勒面績總安車彫面鷖總皆

有容

中賀臣聞夏之興也助德本於塗山

書娶于塗山注塗山國名

在今壽春縣東北禹娶塗山氏之女也南史后妃論輔成君德變理陰政謝承三夫人箴塗山翼夏有莘贊殷虞其欽哉觀刑始於媯汭

尚書觀厥刑于二女釐降二女于媯汭嬪于虞帝曰往欽

哉故凡聰明有臨之主必資警戒相成之賢

詩序雞鳴思賢妃也

哀公荒淫怠慢故陳賢妃貞女夙夜警戒相成之道焉

禮舉熙朝事光前史恭惟

皇帝陛下紀綱四國規矩百王致大養於重闈載篤文

孫之慶奉明禋於太室丕昭烈祖之光位未正於椒塗

化莫延於葛谷

詩葛之覃兮施于中谷詩序葛覃后妃之本也后妃躬儉節用化天下以婦道

也恭承慈訓喜得淑才擢從坐論之班

范曄皇后紀論周禮后妃正位

宮闈同體天王夫人坐論婦禮九嬪掌教四德世婦主知喪祭賓客女御序於王之燕寢設官分務各有典司

周禮鄭玄注古者三夫人之於后猶三公之於王坐而論婦禮無官職矣嗣舉儷昇之典

文選

倫昭儷昇有物有憑按宋史寧宗楊后少以姿容選入官慶元元年封平樂郡夫人五年進婉儀六年進貴妃

韓后崩遂

嬪則著於宮壺

文選思媚諸姑貽我嬪則

王化達於區寰

臣攝事西臺阻班北闕在天下而為母允合坤稱

馬太后紀

吾為天下母而身服大練
食不求甘欲自率下也

願聖人之多男第塵封祝

賀太皇太后牋

副禕而立東房聿隆正號

王后首服為副周禮退師注副之言覆其遺象若金步搖

詩箋副既笄而加飾說文禕蔽膝也周禮王后之服禕衣玉海重翟出房禕衣被躬委委佗佗河潤山容魏韋誕皇后親蠶頌各奉職而承筐供副禕之六服

盛輦而臨長樂有美柔儀

董巴輿服

志太后太皇太后皇后法駕六御金根車玉輅輦

慶洽兩宮歡翔八表恭惟

太皇太后天慈敷化坤靜含章

坤六三含章可貞或從王事無成有終

義

重承祧抱神孫而內嬪

祭法遠廟為祧南史立儲植嫡守器承祧

恩深佑命

選淑媛於後庭

詩乃如之人兮邦之媛也

欲昭儷日之華遂正長秋

之位

漢明帝紀有司奏建長秋宮帝曰皇后之尊與朕同體承宗廟母天下豈易哉惟鄧貴人德冠後庭

乃可當之注長秋皇后所居宮也長者久也秋者萬物成熟之初也梁書長秋曠位前百官表應劭注大長秋

皇后卿也師古曰秋者收成之時

翟車聯耀

見上蠶服

同親

周禮內宰中春詔后帥外內命婦治蠶於北郊以爲祭服月令季春后妃齋戒親東鄉躬蠶蠶事既

登分繭秤絲効功以供郊廟之服漢官儀皇后春蠶皆

衣青手採桑而繅三盆蠶示羣臣妾從春桑生而皇后

親祭於苑中蠶室養蠶十箔以上羣臣妾從桑還獻蠶

於館傳毅洛都賦桑宮繭館區制有矩后率九嬪躬勅

女既足廣四方之風

子夏毛詩序言天下之事形四方之風謂之雅

益將侈萬

年之福臣屬拘官守阻綴庭班

賀皇后牋

藹南國之風有光彤史

詩靜女其夔胎我彤管范曄皇后紀論女史彤管記功書過文

選託彤管於遺詠桓彥範傳詩以闕睢為始言后妃為人闕睢之風行彤史之化修陰教懿德更為內助五經要義古者后夫人必有女史彤管之法后妃羣妾以禮御於君所女史書其日月授之以環以進退之生子月辰則以金環退之當御者以銀環進之著於左手既御著於右手左手陽也以當就孕故著左手右手陰也既御而復故嚴東朝之命登配紫宸恭惟皇后此女史之職也

殿下淑性天成芳猷日進

文選惠問川流芳猷淵塞睢河聲播

思賢才無傷善之心

詩序闕睢樂得淑女以配君子憂在進賢不淫其色哀窈窕思賢才

而無傷善之心焉是闕睢之義也

葛谷化延在女事有節用之道

詩序葛覃

后妃之本也后妃在父母家則志在女功之事躬儉節用服澣濯之衣

擢自三星之次

天文

志中官天極星後有四星末大星正妃後三星後官之屬也

儷於兩曜之明

成公綏詩天地

不獨立造化猶陰陽乾坤垂覆載日月曜重光理國先家道立教起閨房

承順慈顏變和陰

教不二其操宜君子之好述

匡衡傳詩云窈窕淑女君子好述言能致其貞淑不

貳其操夫然後可以配至尊而為宗廟主

則百斯男蓋國人之共祝

詩太如嗣徽音

斯男臣屬拘官守阻造闕庭

賀皇帝御正殿表

畢親喪於素幄勉循御樂之常

終孝宗喪

正皇位於紫宸丕

展會朝之慶千官醵抃九土葵傾

登徒子好色賦周覽九土思玄

賦思九土之殊風曹植責躬詩九土披攘文選若葵藿之傾葉太陽雖不為之迴光終向之者誠也說文黃葵嘗傾葉向日不令照其根杜詩葵藿傾太陽恭惟皇帝陛下舉堯

大綱繼禹舊服塞天地橫四海已昭孝則之成

禮記

夫孝置之而塞乎天地敷之而橫乎四海詩孝思維則

和邦國諧萬民難遏

淳音之奏遵奉常之吉制詔太僕以前陳黼座當

陽左傳則天子當陽諸侯用命也

龍章絢采巍巍乎宅中之勢

西京賦據偏而

規小豈如宅中而圖大顏延年詩奄受敷錫宅中拓宇

穆穆然臨下之光凡在觀

瞻孰不鼓舞臣星軺濫駕雲闕阻趨更始而順民心復

覩禮文之煥麗正而化天下益知儀表之尊

易重明以麗乎正乃

化成天下

賀皇帝御正殿表

密音載啓御素軫以迎祥

尚書四海遐密八音軫車後橫木

大寶有臨

坐端闡而聽治

易聖人之大寶曰位

臣工胥抃中外聳瞻恭惟

皇帝陛下化闡邦經行隆世表三年不樂方當聖治之

更新四海為家宜示皇居之壯麗

高帝紀天子以四海為家非今壯麗無以

重威蔡伯喈賦皇家赫而天居文選壯哉帝王居佳麗殊百城駱賓王詩不覩皇居壯安知天子尊

庸正

面南之位聿昭建極之光肅天仗以無譁

韓文天仗宵嚴建羽旄尚

書人無譁叔孫通傳無敢諠譁失禮者

儼帝容而有穆

成帝紀可謂穆穆有天子之容矣文

選恢恢皇度穆穆聖容

衆星環拱萬玉來庭道燦然而復興文煥

乎其可述臣身縻符竹夢繞觚稜

文選設壁門之鳳闕上觚稜而棲金爵注

殿堂上最高處宋馬永卿嬾真子今之闕角謂之觚稜蓋取其有四稜也紫慎微云觚酒器也腹與足皆有四

稜漢宮闕取其制以為角隅安獸處杜牧之詩觚稜拂斗極回首尚遲遲四載三七載似夢復非宜斧宸


而朝諸侯阻陪賓綴

明堂位天子負斧依南鄉而立嚴助傳負黼依憑玉几依讀曰宸梁

仰陵王綸啓應天御物負宸臨民顏師古詩負宸延百辟

簫韶之舞百獸徒激懽悰

尚書簫韶九成又百獸率舞韓文曾不得與鳥獸率舞蠻夷縱觀為比



橘山四六卷十四